

中 山 醫 西 太 原 市 究 會

號中  
認華  
為郵  
新  
政  
特  
聞  
紙  
准  
類  
掛

民 國 二 十 一 年 二 月 出 版

# 醫 西 學 雜 誌

第 六 十 三 期

南 京 圖 書 館 藏

### △本會鳴謝▽

本會前承楊達夫先生惠贈靈素氣化新論五色診鈞立醫學新論各三部內贈陳理事賓卿各一部又承張壽甫先生惠贈衷中參西錄四期六期各二部內贈時理事逸人各一部又承張山雷先生惠贈本會陳時二理事脉學正義錢仲陽幼科箋疏難經注各一部冀荷龍錫名篇珍如拱璧謹此以鳴謝忱

### 本會緊要啓事

本會雜誌。出版已經十載。

每二月一期。全年六期。現出至六十三期。均首尾齊全。前缺第五第七兩期。現已再版補印。閱者如缺少第五、第七、兩期者。請向本會文書股補購可也。

○……○一至五十四期。每  
…價目…期實售一角五分  
○……○外加郵力一分半。  
五十五期起。每期實售二角五分。外加郵力二分半。預訂全年。一元五角。外加郵力一角五分。

### 時逸人啓事一

鄙人現住山西太原市精營東道街四十二號外埠同志惠

函賜教、關於鄙人負責事件。請逕寄上列地址。以免轉折遺誤。此啓。

### 時逸人啓事二

鄙人忝任編輯職務。凡荷外埠同志惠賜稿件。請照上列地址。書明鄙人手收。不誤。如夾在印刷品內。未書明鄙人名字者。鄙人概不負責。又凡於關於定報購書等件。請逕向本會文書股。直接接洽可也。

### 時逸人啓事三

鄙人前年在滬所組織之國醫講習所。十八年冬。即舉行結束。嗣聞上海有中國醫藥講習所之名目。其內容組織。實與鄙人絲毫無涉。恐遠道未明真像。特再鄭重聲明。

# 醫學雜誌六十三期目次

特載

研究鼠疫之我見

時逸人

醫藥學說

時代性病論翼

袁復初

中醫基礎學

葉勁秋

傷寒溫病瘟疫辯

馮 騏

生理

靈素生理新論續六十期楊如侯遺著

生理衛生學問答

呂子厚

衛生

小兒衛生

鮑東藩

公共衛生

前 人

病理

病理學續六十期

時逸人

診斷

脈話 續

陳賓卿

詐盲辨別法

陳航慈

妊娠之鑑定

葉勁秋

藥物

茶葉之醫療作用

沈仲圭

巴豆之研究

丁叔廉

儉廬藥話

丁叔廉

治療

四時病症全書

陸廷珍遺著

肺癰

張治河

肺痿

張治河

疫病定論

盧育和

錄前哲疫病治案

盧育和

疫症集方

前 人

第六十三期 目 次

南京圖書館藏

葡萄疫之研究

張澤霖

霍亂常識

丁叔廉

瘍科學續六十期許氏原本邵氏錄存

沈仲圭

增訂脚氣芻言

周小農

醫藥鱗爪

沈仲圭

醫案

醫案平議續

張山雷

桃嶺崗醫案

張蘊石

產後肝風肺炎治驗說

沈仰慈

記胃出血案

陳寶卿

流行性時疫治驗案

丁叔廉

胆汁性青尿下消案

陳蓮峯

來件

敬告全國中西醫界書

吳廣生

致中央國醫館籌備委員會提議改善組織

法案

星期徵稿選刊

吳廣生

中國古醫謂熱病皆傷寒之類西醫謂傷寒為小腸壞熱症東醫謂傷寒為腸窒扶斯試攷證命名之義及發病症狀中有無訛誤分別述其原委

張文元

中國藥物學說有入肺者有入肝者有入氣分有入血分有補腎補脾之別試以科學方法說明其原委並糾正其差誤

張文元

介紹

本會名譽理事張壽甫先生，所著醫學衷中參西錄，匯通中西，獨發新義，凡千古難治之證，莫不立有名論，製有專方，用之必效，真濟世之慈航也，今已出版至六期，其四期前已售完，今又增廣重印，爰將各期定期，詳列於下，以便郵買

前三期合編兩元三角

增廣四期壹元六角

五期兩元

六期壹元六角

買全書者價七元

郵買者不加郵號費

一次買五部者外贈一部

分買單期然亦者



## 特載

## 研究鼠疫之我見

(此稿已載於五十一至五十三各期病埋欄中近因本省臨縣一帶鼠疫傳染甚烈特增加意見附載於此)

時逸人

(一)略史 鼠疫。西人名爲黑死病。日本譯其音爲百斯篤。其疫之發源地。爲印度及熱帶地方。繼傳及歐洲。至前清乾隆間。傳至中國。因此疫發生。鼠先感受。故名鼠疫。同治光緒時代。雲南鼠疫大作。斯時西人始知此疫。即百斯篤。回匪亂時。流行尤盛。漸延至東京灣、北海、各地。光緒九年。愈傳愈廣。各處咸遭波及。光緒二十年。廣東省垣。鼠疫發生。頗爲猛烈。其死亡達至六萬之譜。由香港。而汕頭。而廈門。而福州。勢若燎原。嗣後香港無歲不有。旋復延及台灣。然此僅及熱帶地方。至光緒二十五年。牛莊會有鼠疫發生。宣統季世。滿州、暨東三省寒帶之區。亦有是疫。民國紀元。上海城廂內外。亦有鼠疫流行。民國七年。山西發生此疫。甚爲猛烈。幸防禦有方。未致蔓延。現在寒帶各地。雖漸稀減。而熱帶仍繼續侵襲。近年以來。陝西鼠疫流行甚厲。晉省亦遭波及。吾儕忝列醫界。責任所關。謹貢獻研究所得之意見如左。

(二)證候 初期。惡寒發熱。頭痛而暈。精神頹敗。昏昏欲睡。咽喉腫痛乾燥。舌乾無津。胸部煩悶如噉蒜狀。氣逆乾咳。頸部腺腫。或腋下。胯下。亦有腺腫。內熱重者。但熱不寒。面赤氣粗。亦有協熱瀉者。二期。肺燥愈甚。身熱口渴。喉痛漸劇。腺腫漸大。咳逆氣喘。胸悶而痛。或痰中帶血。或吐紫血。或鼻衄。或發癩疹。

三期。肺已發炎。液枯唇焦。舌燥開裂。氣喘不得臥。嘔吐淡紅。或腐爛血水。或有吐血。或吐青黃水。及大便下穢濁物者。四期。疫毒內陷。身熱反去。腹腫反消。疫疹自化。胸痛。及喉痛反緩。惟吐膿血。聲瘖耳聾。目無神光。或陷塌。鼻衄如拽鋸。精神恍惚。此爲肺臟已壞。

按凡中醫指爲病在氣分。西醫謂爲肺炎性。亦有直入血分。血液凝滯。面色青黃。血不四支厥冷。於內

不行身現紫斑。腹膨氣悶。西醫則謂爲敗血性。凡氣分受病毒之侵襲。終必傳入血分。故當參台研究於外

之。腺腫。俗名結核。淋巴停滯。則白而軟。血液凝結。則紫而堅。皆爲鼠疫必有之現象。西醫將肺炎性。敗血性。腺腫性。三綱並立。專泥解剖之實際。不明氣分血分之源流。宜其不能於治療上。得完善之方法。

誌 雜 學 醫

(二)病理 鼠疫之種類。據西醫實質之攷察。爲肺炎性。腺腫性。敗血性之三種。其肺炎性。以咳嗽吐痰。痰中帶血。呼吸困難爲主。腺腫性。以全身之淋巴腺。如頸腺。腋腺。股腺。窩腺等部。之紅赤腫痛爲主。敗血性。(又名血毒性)。以皮膚及粘膜常常出血爲主。中醫方面之觀察。以鼠疫之感受。起點在氣分。終必傳入血分。故肺炎疫。死後解剖上所見。血液中必含爲毒菌。是肺炎性與敗血性。在病理上。不過有先後之分耳。至於腺體腫脹堅硬。又爲必有之事實。則腺腫名義。能否成立。尙待商榷。若夫惡寒發熱。頭痛如劈。心煩口渴。脈搏絃數。或作嘔吐。意識蒙蔽。昏睡譫妄。脾藏腫大。頸項腋下。胫骨間之腺體。起劇烈之腫

脹灼熱疼痛。皆爲必有之規狀。惟其病毒傳入血液。侵犯心藏。使心力衰弱。與傷暑症之脈虛心煩。其意相同。故脈轉沉細如絲。即爲疫毒侵犯心藏唯一之確據。間有初得脈洪數者。乃其最輕之症。疫邪之傳。必以口鼻爲道路。肺熱重者。肺藏先病。內熱重者。凝結於內爲腺腫。血管破裂則出血。因疫毒之氣。具腐蝕之性。能使心藏麻痺。肺藏潰爛。脾胃腫瘍。嘔吐血水。或咳吐膿血。侵入神經系。故意識昏蒙。侵入淋巴液。故脈體腫脹。此鼠疫病理之大概。在醫學古書中。亦有與此相類者。如千金方曰。「惡核病者。肉中忽有核粒。大如梅李核。皮肉慘痛。壯熱惡寒。與諸瘡根。癰癤。結筋。相似。其瘡根癰癤。因瘡而生。故發緩而無毒。惡核病。猝然而起。有毒。若不治。入腹煩悶殺人。皆由冬受溫風。至春夏有暴寒相搏。氣結成此毒也。云云。」觀此論。所謂惡核症狀。實即鼠疫之病症。其所謂冬受溫風。至春夏有暴寒相搏。實即指非時之氣。而爲疫癘之原因。于此可知鼠疫之病。唐時已有。特名稱之不同耳。

病理附翼 按克潛氏云。中鼠疫者。初則倦怠拘束。亦有驟起。即惡寒發熱。脈數異常。及毒入脈絡。則眼球發紅。兩脰間及兩腋窩頸項等處。發爲腫脹。由腫脹至內潰膿時。恒有熱極而狂。由病榻奔出室外者。毒入血分。則嘔吐出血。兩便下血。或痰中帶血。此証以曾有肺病。及會患梅毒者。爲最易死亡。蓋一則肺部早損。一則營養不清。疫毒一入。遂無從抵抗。以致於潰敗。病人在染疫發熱之後。經過關節腫脹。能得大汗而解。是爲佳象。顯見毒已融化外出。正氣尙能抵抗。若腫脹歷久不退。漸至暈迷。則其毒漫延。難以挽救。死後週身發黑。血分全潰。故謂黑死病也。

(四)診斷 一日當審其脈象也。凡時令病證。感冒初起。其脈浮躁。經過三五日後。內熱重者。其脈或洪或數。淋巴液停。往來寒熱者。其脈則絛。皆有一定之可徵。惟鼠疫身雖發熱。而脈則或沉或伏。或微細。或代止。或模糊不清。或緊急而亂。不但微細。且兼遲象。(間有初得脈洪數者。乃鼠疫之輕症)。遇此脈象。可用黃豆或黑豆令生嚼之。外感症則腥。鼠疫症則甜。且脈象之大可異者。一日之間。有時沉重。有時清爽。診脈于沉重時期。則敗象畢現。診脈於清爽時期。則脈象又順。如出兩人。頗難下斷語也。 二曰初病即昏迷也。時令病症。必三五日後。方有譫語。搗搗。及熱深。厥甚。昏厥。等候。惟鼠疫一得病。即人事昏迷。或多沉睡。或夜寐發驚。或譫語如狂。或目珠忽然不順。或面白如紙。或面黑如炭。一言而決之曰。總有昏昏沉沉氣象。且雜症發熱輕而緩。鼠疫發熱重而急。此可以意會而得者。尤可異者。人雖昏迷。遇清醒時。又極清醒。令人難以摸捉。與他種發熱。漸漸而來。實有分別。 三曰當察看身體也。凡鼠疫之朝病暮死。不及延醫。尚可委之天命。至於三日五日方死者。於核未發時。不誤作他病。未嘗無法調治。中醫治病。半憑診脈。半憑問症。手足胸腹。未曾驗看。不免簡略。凡鼠疫症。核雖未起。亦藏在皮肉之內。凡察看發熱症候。心有疑難者。必將其兩脇。胸腹。及手罅足罅。用力按之間。有生頸上者。不按不知。若有長圓形式。隱在皮肉內者。約一二日即行將核發出。累試不爽。至其辨別之法。核之發現處。如頸部。腋部。膝部。大膀。大腿處。未發見核之前。則其處。必較過身之熱更甚。此之謂局所更熱也。傷寒表熱。甚腹內不甚熱。且無胸悶欲嘔之症。見于未發寒熱之前。雖伏邪溫熱。由裏達表。亦無局所更熱之別。似宜以胸悶頭暈。阻。為報信



之使。惡寒內熱。夜熱氣粗。爲第二辨別。局所之特別熱。爲第三鐵證。

(五)治法 初起在氣分。身發寒熱。咽喉腫痛。咽乾舌燥。脈微神昏者。用辟穢驅毒飲。或用清芳辟疫湯。送下解毒萬病丹。如寒熱無汗者。參用麻杏石甘湯法。如協熱下利。熱結旁流。或痞滿腹痛。大便秘結者。參用承氣湯法。口渴喉痛。腺腫漸大。胸悶氣喘。吐血嘔血。身發癩疹者。用清瘟敗毒飲。加牛蒡、大青葉、杏仁、只壳。喘不得臥者。參用葶藶大棗瀉肺湯法。腹痛腸腫者。參用大黃牡丹皮湯法。若竹葉石膏湯。及麥門冬湯。皆可供清熱生津輔助之用。其神糊氣喘。面赤如醉。用葶藶湯。送下紫雪丹一錢。或牛黃膏一錢。在血分。壯熱神迷。形如尸厥。面青肢厥。身發青紫色癍。痛如被杖。唇紫舌燥。用加減血府逐瘀湯。如腺腫紫赤灼熱。疔瘡癩疹者。用加味解毒活血湯。如腺體腫大。疼痛劇烈者。用王孟英治結核方。合神犀丹。外用經驗塗核散。

(上)處方

辟穢驅毒飲 見辨症求真

西牛黃八分人中黃三錢石菖蒲三錢忍冬蕊五錢野玉

金錢半錠葉錢半水煎溫服

清芳辟疫湯加味 原方載洄溪醫案方

鮮蘆根一兩鮮茅根一兩鮮薄荷三錢鮮青蒿三錢佩蘭

葉三錢石菖蒲三錢鮮桑葉三錢杭菊花三錢未卜

汁一兩水煎溫服送下解毒萬病丹一錢

解毒萬病丹 方載蘭台軌範

雄黃精五錢山慈姑二兩川文蛤一兩千金霜二兩紅

芽大戟一錢當門子三錢飛辰砂三錢右七味各研

細末 米粥爲丸每丸約重一錢

麻杏石甘湯

麻黃一錢 生石膏五錢 生草一錢 杏仁三錢

調胃承氣湯

大黃二錢 生草一錢 芒硝錢半

清瘟敗毒散 余師愚方

生石膏一兩 酒黃芩三錢 粉丹皮三錢 苦桔梗錢半 真犀

角錢半 赤芍藥二錢 小生地三錢 白知母三錢 炒山梔

三錢 青連翹三錢 炒川連錢半 大玄參三錢 生甘草一錢

鮮竹葉五錢

大棗瀉肺湯

苦葶藶二錢 黑大棗四錢

大黃牡丹皮湯

生大黃二錢 粉丹皮三錢 桃仁泥三錢 冬瓜仁三錢 芒

硝錢半

竹葉石膏湯

鮮竹葉五錢 生石膏五錢 大麥冬三錢 北沙參三錢 製

半夏錢半 生甘草八分 粳米三錢 方中去竹葉石膏

即麥門冬湯

葦莖湯 金匱方

葦莖三錢 苡仁三錢 桃仁二錢 冬瓜仁三錢

紫雪丹 方載和濟局方 藥品製法太繁著

名大藥舖有製成出售

牛黃膏 劉河間傷寒六書方

西牛黃二錢 廣玉金三錢 梅片五分 辰砂二錢 丹皮

三錢 生草一錢

其研細末每服一錢水調成膏服之日服二次

加減血府逐瘀湯 方載遇安齋證治叢錄

青蒿三錢 桃仁三錢 赤芍三錢 生草一錢 大黃二錢 紫

花地丁三錢 王不留行三錢 丹皮三錢 小蘗三錢 紫背

天葵三錢 鮮藍根五錢

蟬褪一兩皂角刺一兩殭蚕一兩滑石粉五錢先煎代水

加味解毒活血湯 鼠疫約編

桃仁泥八錢川紅花五錢當歸尾三錢赤芍三錢 銀花八錢

連翹八錢丹皮三錢生草一錢玄參三錢小生地三錢

王孟英治結核方 方載王氏醫案

銀花二兩蒲公英二兩皂角刺錢半生草節錢半

嘔者去甘草加竹茹一兩大便秘加大黃三錢身熱

甚加生石膏三錢 送服神犀丹一片如核不消用

藏紅花二錢 煎湯送服真熊胆二分若白泡疔去

皂刺加白菊花一兩 兼黑痘用神犀丹解毒萬病

丹間服

神犀丹照原方分發減至二十分之一溫熱論方

犀角尖三錢條黃芩三錢 銀花八錢大玄參三錢 石膏

蒲三錢大生地八錢連翹八錢花粉三錢紫草三錢淡豆

豉四錢金汁八錢

右藥各生晒研末。急用火炒用瑩白金汁蒸豆豉生地。

搗成膏。和藥末為片。每片重三錢 每用一片。微溫

開水化服。日服二次。小兒減半。如無金汁。用人中

黃四錢亦可。

經驗塗核散

辰砂 明雄黃 生大黃 紫花地丁 各五錢 冰

片 蟾酥各二錢 山慈姑 番木鱉各八錢 右藥各

研細末。貯磁瓶內。蠟封。每用一兩。如意油調敷。

鄭肖岩云。凡小兒不能服藥。於結核四面。先以輕

針微刺。再塗此藥尤妙。

(七)附列經驗各方

吳子存經驗方

生大黃 炒川朴 炒只實 芒硝 真犀角

翎羊角 川黃連 黃芩 車前子 滑石粉

牛旁子 連翹 桃仁泥 川紅花 紫花地丁

紫草 紫背天葵 粉丹皮 忍冬藤 知母

上列各藥均可隨症選用少則三五錢重則一兩

八錢不必遲疑

鼠疫毒核消毒散 鼠疫約編

銀花三錢連翹三錢玄參三錢桔梗二錢殭蠶三錢板藍

根五錢生草錢半馬勃三錢牛蒡二錢薄荷葉錢半射干

五錢蘆根一兩同煎

鼠疫驗方 鼠疫約編

大青葉三錢青黛二錢黃芩三錢花粉三錢人中黃三錢

紫草三錢連翹三錢忍冬藤三錢炒山梔三錢水煎溫服

應驗疫證方 鼠疫約編

紫花地丁三錢紫背天葵三錢甘草節二錢象貝二錢生

大黃二錢山甲片三錢忍冬藤二錢牙皂錢半絲瓜絡

三錢藏紅花一錢白菊花三錢熊胆五分

水煎溫服

經驗化核散 約編

山慈姑二錢真青黛二錢生卷柏二錢浙貝母三錢赤

小豆二錢共研末香油調敷

經驗敷核方 彙編

蒲公英二錢柏樹葉二錢浮萍二錢雄黃二錢上梅

片五分 共研末和勻白密和敷或用梅花點舌丹調早

善消鼠疫結核方 朱鉢文傳

煎服甚效

清熱辟疫湯 周氏驗方

鮮菖蒲三錢芒硝二錢山慈姑一錢人中黃三錢生大

二錢續隨子一錢生石膏五錢車前子三錢細木通

二錢犀角尖三錢 另加未下汁八兩西黃五分射香五厘分二次或

三四次沖服 通絡活血湯加減 同上

藏紅花一錢粉丹皮三錢紫草三錢天仙藤三錢犀角

尖二錢鮮生地五錢絲瓜絡三錢絡石藤三錢雞血

藤三錢 水煎服連服三劑有效

## 醫藥學說



## 時代性病論翼

袁復初

年來患流行性腦脊髓膜炎者。項背相望。此與肝鬱心悸。神經過敏。同屬時代性病。肝鬱云何。迷走中樞多受觸覺刺戟也。心悸云何。視神經狀多受觸覺刺戟也。神經過敏云何。大腦巔頂多受觸覺刺戟也。其主要之原因。一曰。宇宙運行中之氣候變化。二曰。兩性遺傳中之血統特質。故屬天人相對原理。民二十年秋日袁復初稿。

天人相對原理。見仁見智。因觀察法而異。同一電波之作用也。於皮爲觸覺。於目爲視覺。於耳爲聽覺。本篇所論。則以音律爲主。

攝音與胃絡。人在先天性時。爲膠質結晶系。其形爲圓。其機爲立。在後天時。化爲表皮系之磁場成腦脊反射機。所謂九竅三百六十五絡也。九竅即大腦人形。雖主調節反射機。名曰立之。又立亦曰乾父。絡者脊髓反射云也。主應觸覺刺戟。謂之三子。主運動者。曰長男與肝血。主分泌者。曰中男與腎水。主營養者。曰少男與胃氣。胃絡即迷走自律系。主節心臟搏動。名曰三焦。亦名「之道」。上通視神經。以應觸覺刺戟。此國事之道也。中通心臟磁場。以營物質代謝。此指物之道也。下通荐髓管。以應地球運動。此

往地之道也。字母切韻仿曰斑。坐標準系之磁波者。爲九營宮之九音。合日光之回氣。乃統自然界電子之變化。仿地球重心點之電波者。爲十二月之十二攝合電場之六位。乃統自然界電核之變化。組織宇宙原料。僅有電子電核。統一電子電核。不外乾坤六位。故切韻之系統。即萬物之系統。切韻所發之聲。屬觸覺性電波。電波振動在十萬次以上。今名殺人音波。於社會曰國風。於一人曰骨風。骨風生於地心引力（大氣）之十二攝。內經謂之天風。其行公年正直。人避以三系射機。十二攝合九音。共得百零八種電波。刺戟表皮系統。乃生觸覺作用。

四聲與心境 平上去入爲觸覺性變化。蓋愛克史光之「電象」作用也。辨平仄法。可熟念東董棟督之四聲。想其上升下降情狀。自人類言。觸覺循皮感道上行。第一原基終於延髓頸髓。主審五音清濁。於聲爲平。於時爲春。於情爲怒。第二原基終於視神經牀。主通兩手。於聲爲上。於時爲夏。於情爲喜。於音爲五色風。於診爲目內眥。於光象曰七星。第三原基終於大腦巔頂。主通兩足。於聲爲去。於時爲秋。於情爲哀。其自腦巔入內耳半規管者。主平身形重心。於聲爲入。於時爲冬。於情爲樂。人形皮感覺道爲磁場之化身。主應電波刺戟。故曰：「以外知之曰聖。」

六律於變形 磁場真相。本爲球形。在宇宙曰星球。在物形曰露珠。因觸覺之作用。乃變種種形狀。生物變形原理。亦因觸覺而起。在變形蟲實驗。遇電即成長形。故原形質抗電。取象於已於蛇。此種抗電方式。在礦物爲結晶。在植物爲葉綠。在人類爲營血。主營血者爲三叉舌咽羣之七星。和營血者。爲迷走自律

系之胃氣。七星即磁極光胃氣即原形質。其根在大腦音象區。在易象曰艮山。在形藏曰胸中。其徵在肩。其葉當荐髓自律系。在詩歌爲叶韻。在奇經爲衝脈。其徵在鬚。自乾坤闢闢言大腦荐髓當極光部。延髓腰髓當兩極部。頸髓胸髓當化學部。合之即磁場之六位。在生理爲六府。在物理爲六律。六律上合形藏。以復球形爲主。所謂形藏四者。一曰意象區之頸角。二曰光象區之耳目。三曰韻象區之口齒。四曰音象區之胸中。合之即成大腦人形區。故欲解決癌腫鬼胎等世界大問題。須明六律與抗電之方式。

五音與抗電。動物抗電度。以龜爲最大。故絡書與任脈。取法於龜。任脈上合三又舌咽羣之中宮。主三種放射能素問（四二）五藏風之形狀。論放射能中愛克史光之感光照相也。老子（四二）負陰抱陽。論放射能中電子電核之結體成物也。電核爲陰。陰中之陰（位能）引力（水）也。陰中之陽（動能）電力（木）也。電子爲陽。陽中之陽（動能）熱力（火）也。陽中之陰（位能）磁力（金）也。

引力中和磁力。爲黑白系之五。熱力中和電力。爲彩色系之五。約而言之。電波曰易。電子曰時。電核曰難。互相中和。謂之五行。故放射能變化。即五藏之陰陽。五藏光象曰神。以用言也。五藏生機曰仁。以體言也。任脈與種子。植物種子簡稱曰仁。動物由兩性染色體。合成之細胞核。亦稱曰仁。任脈循面入目。在明明德成仁。由此旁通迷走自律系。其病謂之七疝。下通荐髓自律系。其病謂之癥聚。七疝癥聚。皆腫瘍也。其因有四。一曰觸覺刺戟。二曰家族血統。三曰男女。四曰年齡。其公式爲「音律」。其數第四十二。素問（四二）風論。以任與咽喉爲主。其附屬器爲主風火之上皮小體與甲。狀腺。靈樞（四二）病傳。以任

與面目爲主。其附屬器爲主形。狀之大腦垂體與松果腺。

切韻與切脈。延髓三叉舌咽羣與迷走自律系之交點。即五十營之「人中」也。外因地球自轉內主心臟磁場。其中樞曰一處其週期旦日。日即光熱作用。主和觸覺之風。其合皮感後索道也。謂之百日。主種族之演化。合皮感側索道謂之二十一日。主細胞之統一。合植物神經系謂之十日。主物質之代謝。觸覺自皮感測索道上行者。謂之風循毫毛。第一原基終於頸髓爲陽。第二原基終於視神經牀爲緊。第三原基終於大腦巔頂爲實。在生理學實驗。主傳觸覺痛覺溫覺。其自皮感後索道上行者。謂之風入腠理。第一原基終於延髓爲陰。第二原基終於視神經牀爲弦。第三原基終於大腦巔頂爲虛。在生理學實驗。主傳觸覺肌覺。大腦巔頂爲音家與下肢運動區。故合六律六府。視神經牀通於兩手。故合五音五藏。自藏府言。爲切脈之原理。其結果爲女體。自音律言。爲切韻之原理。其結果爲語體。介於咽喉間者。即迷走自律系上通視神經牀。謂之二日。其音爲乙。中通心臟磁場。謂之十日。其音爲語。二日十日乙癸同源。爲腦膜炎普通治法。其合副腎嗜銘系者。謂之三日。其音爲兩麻杏石甘湯證屬焉。

總而言之。國學要旨。在明天人相對。原理小之改良血統。大之感化人羣。其自大腦制荐髓反射者。爲原形質系統之義路。自延髓核平身形重心者。爲系胞核系統之仁道。以義爲利。則因磁場相感之理。盜亦可化平民。以仁化人。則因電場相感之理。民皆樂於爲善。凡此感應作用。證以最近科學。中合永久不滅真理。超出人類普通感覺以外。



醫

中醫基礎學

日本永井潛著生命論以形態能力物質三項爲系統。形態似易象而不如。能力似時氣而不如。物質似難數而不如。我國有永井潛其人乎。網羅中外學術。發揚東方文化。此其時矣。

陰陽篇

葉勁秋

學

充斥於宇宙之間。瀰漫於六合之內。有一物焉。其名曰電。動則爲雷。爲火。退則散藏於密。具陰陽兩性。得造化中庸之道。人在氣交之中。常以氣之周流爲生活。故人體與電氣自有密接之關係。然而今之談生理者。輒以物理化學作基礎。而從未聞有以電氣作用作解釋者。是殆現在之醫學尙未精造歟。我國古醫首重陰陽。今雖爲一般人話議或恐醫學之極。則有未許離陰陽者。且屬人皆知潮流汎之漲落。由於月力之攝引。然則人體血液之流行。又何獨不與日月相關耶。因舉陰陽篇置於端。

雜

陰陽者數之可十。推之可百。數之可千。推之可萬萬之大。不可勝數。然其要一也。陽之動始於溫。盛於暑。陰之動始於涼。盛於寒。

詩

陰陽者天地之道也。萬物之綱紀。變化之父母。生殺之本始。神明之府也。故清陽爲天。濁陰爲地。地氣上升爲雲。天氣下降爲雨。雨出地氣。雲出天氣。清陽出上竅。濁陰出下竅。清陽發腠理。濁陰走五藏。清陽實四肢。濁陰歸六府。陰勝則陽病。陽勝則陰病。陽勝則熱。陰勝則寒。其寒則熱。其熱則寒。

天氣下降氣流於地。地氣上升氣騰於天。故高下相召升降相因而變作矣。出入廢則神機化滅升降息

則氣立孤危。

天地者萬物之上下也。陰陽若血氣之男女也。左右者陰陽之道路也。水火者陰陽之徵兆也。陰陽者萬物之能始也。故曰陰在內陽之守也。陽在外陰之使也。

凡陰陽之要陽密乃固。故陽強不能密。陰氣乃絕。陰平陽秘精神乃治。陰陽離決精氣乃絕。

陰陽者靜則神藏。躁則消亡。

陽病發於冬。陰病發於夏。

學

平旦至日中天之陽。陽中之陽也。日中至黃昏天之陽。陽中之陰也。合夜至鷄鳴天之陰。陰中之陰也。鷄鳴至平旦天之陰。陰中之陽也。故人亦應之。

雜

夫言人身之陰陽。則外爲陽。內爲陰。背爲陽。腹爲陰。胆胃。大腸。小腸。三焦。膀胱。六府。爲陽。心。肝。脾。肺。腎。五藏。爲陰。

誌

陽者天氣也。主外。陰者地氣也。主內。陽道實。陰道虛。故犯賊風虛邪者。陽受之。食飲不節。起居不時者。陰受之。陽受之則入六府。陰受之則入五藏。入六府則身熱。不時臥上爲喘呼。入五藏。臍滿閉塞。下爲殞泄。久爲腸澼。故喉主天氣。咽主地氣。陽受風氣。陰受濕氣。

陰者藏精而起亟也。陽者衛外而爲固也。

陰氣多而陽氣少。則其發日遠。陽氣多而陰氣少。則其發日近。

陰氣從足上行至頭。而下行循臂至指端。陽氣從手上行至頭。而下行。至足。故曰。陽病者上行極而下陰病者下行極而上。故傷於風者上先受之。傷於濕者下先受之。天溫日明則人血淖液而衛氣浮。故血易瀉氣易行。天寒日陰則人血凝泣而衛氣沉。月始生則血氣始精。衛氣始行。月郭滿則血氣實肌肉堅。月郭空則肌肉減經絡虛。衛氣去。形獨留。是以因天時而調血氣也。

天地溫利。則經水安靜。天寒地凍。則經水凝泣。天暑地熱。則經水沸溢。卒風暴起。則經水波湧。而隴起。

### 傷寒溫病瘟疫辯

馮騏

素問曰。熱病者。皆傷寒之類也。又曰。人之傷於寒也。則爲熱病。又曰。人傷於寒而傳爲熱病何也。寒甚則生熱也。又曰。凡傷寒而成溫者。先夏至日爲病溫。後夏至日爲病暑。故難經五十八難曰。傷寒有幾。答曰。傷寒有五。有中風。有傷寒。有濕溫。有熱病。有溫病。由是觀之。可知傷寒者病之總名也。下列五證者病之分症也。傷寒爲綱。其目則五。一曰。中風。二曰。傷寒。三曰。濕溫。四曰。熱病。五曰。溫病。明說傷寒有五種焉。是故仲景傷寒論之傷寒字。即難經傷寒有五之傷寒。並非狹義傷寒之傷寒也。仲景所以撰用素問難經者。如此明乎。此而以傷寒論中病一一按之。例如太陽病發熱汗出惡風脈緩者。名曰中風。太陽病或已發熱。或未發熱。必惡寒體痛。嘔逆脈陰陽俱緊者。名曰傷寒。太陽病關節疼痛。而煩脈沉而細者。此爲濕痺。太陽中熱者。渴是也。其人汗出而惡寒。身熱而渴也。太陽病發熱而渴。不惡寒者。溫病也。余因秦越人發幾種之問。作五種之對。乃知五種之傷寒。並隸於傷寒之一論。則傷寒論者。明是五種傷寒之總論。而

8

醫

學

雜

誌

溼溫之治法。即在其中矣。夫熱病之治法。即當求諸傷寒之論者。無疑義矣。然傷寒自是傷寒。溫熱自是溫熱。正有不可不辯者。何以辯之。則仍辯以傷寒論。太陽陽明兩經之證。請詳言之。蓋以經而言。太陽在外。陽明在內。以證而言。太陽爲表。陽明爲裏。傷寒由表入裏。其始僅爲太陽證。溫熱由裏出表。其始即爲陽明證。太陽證不拘日數長短。舌無胎。口亦不渴。陽明證初起。舌有胎。口大渴。傷寒發熱者。口不渴。如服桂枝湯已而渴。服柴胡湯已而渴。或服羌活湯活人敗毒散等湯已而渴。不惡寒反惡熱。始則惡寒。一熱而不復惡寒。凡傷寒欲解時。寒去而熱亦罷。若寒去熱不罷。汗出仍熱而脈躁急。皆溫病之候也。此明病之始。自陽明者爲溫。即始至太陽而已入陽明者。亦爲溫。此即論中云。太陽病發熱而渴。不惡寒者。爲溫病。此一條本以太陽病發熱五字爲句。以而渴不惡寒六字爲句。蓋上五字爲太陽。而下之渴不惡寒。即陽明也。又太陽病桂枝證。醫反下之。遂利不止。脈促者。表未解也。喘而汗出者。葛根黃連黃芩湯主之。此一條桂枝證。本太陽病證。而以醫誤下。遂入陽明。蓋上六字爲太陽。而下之脈促喘汗。即陽明也。觀此二條之渴也。喘也。汗也。脈促也。不惡寒也。皆屬溫熱。即皆屬陽明。而條首仍冠以太陽字者。正令人於渴利等字。知其病之已從太陽傳入陽明。急當專就陽明治也。若因其上有太陽字。仍作太陽觀。仍用太陽方。皆非能識溫熱者也。綜上以觀。可知溫病之與傷寒。皆在傷寒論中。至於治法。亦在傷寒論中。本不難辯。自吳氏以論外之瘟疫。作論中之溫熱。惟恐瘟疫之與傷寒混。適將溫熱與瘟疫混。又將溫熱與傷寒混。傷寒。溫病。瘟疫。三者。愈辯愈不清矣。是故欲得溫熱之真。必先嚴瘟疫之界。乃能知傷寒之論。本自有溫

熱之方。凡病之里巷相傳，長幼相似，其小者。如日赤、頤腫、咽痛、咳嗽之類。常常有之。屬溫者多。其大者變生倉猝。一發莫制。有不定其為寒為熱為溫者。衆人傳染如徭役然。因其傳染。乃名為疫。若病只一身。在同室待疾之人。亦不傳染。則溫為溫病。熱甚為熱病。其初傳與傷寒之太陽異。其中傳與傷寒之陽明同。既不傳染。即不得以疫名。乃人皆以病之傳染者。始謂之溫。而反以不傳染之溫病。謂之疫。嗚呼。溫瘟二字。混同立論者。出來已久。詎知瘟有熱瘟。亦有寒瘟。惟溫病但熱無寒。所以欲明溫熱者。必與傷寒辯。尤必先與瘟疫辯。與瘟疫辯者。無他。蓋即辯其傳染不傳染耳。明乎傳染之有寒。有熱者。為瘟疫。即知不傳染而有熱。無寒者。為溫病。其所以異於瘟疫者。只在不傳染三字。其所以異於傷寒者。亦只在不用麻桂青龍之三方。此外則與傷寒病寒既成溫。而後病無少異。方亦無不同。至於瘟疫之治法。不外溫清二法。以之分治二疫。亦為甚合。大抵以瘟而疫。則論中苓連梔栝之統於膏黃者可用也。以寒而疫。則論中芩黃蜀椒之統於薑附者可用也。此即辯傷寒溫病瘟疫之大概也。余略陳管見。以備採擇焉。

## 生理



靈素生理新論續六十一期楊如侯遺著

第十三章 內形篇一

第六十三期 生 雜

## 第一節 總論臟腑生成原理

萬物之生成。無不繇於氣化。礦物無機體也。溯其始且從有機體而生成。觀格致家說明氣質流質。定質。變化之循環。是可想見造化生物之妙用焉。至一切動植物。爲有機體。莫不吸天之氣。食地之味。而後以生。以長。尤其顯著者。何獨於人而疑之。夫天有五氣。地有五行。化生五味。動植物得之。於是起攝收。同化發散等種種之作用。日以發育。而氣化之理益明。人本天地之中以生。而有五臟藏者。藏也。藏天地之精氣。所以成其形。而爲人也。故欲知五臟之生成。必先知五臟之氣化。東方生風。風生木。木生酸。酸生肝。南方生熱。熱生火。火生苦。苦生心。中央生溼。溼生土。土生甘。甘生脾。西方生燥。燥生金。金生辛。辛生肺。北方生寒。寒生水。水生鹹。鹹生腎。

按六節臟象論曰。天食人以五氣。地食人以五味。王冰註云。天以五氣食人者。臊氣湊肝。臭氣湊心。香氣湊脾。腥氣湊肺。腐氣湊腎。地以五味食人者。酸味入肝。苦味入心。甘味入脾。辛味入肺。鹹味入腎。兒在母腹。食氣於母。所以養其形也。食味於母。所以養其精也。發生滋育。無非以氣味爲本。母食之胎。又食之。此五臟所由本於五行。而生成也。

## 肝之部

## 第一節 論肝臟應天地之氣化

東方生風。風生木。木生酸。酸生肝。肝生筋。筋生心。

陰陽應象大論

此言天地之氣化合氣與味以生肝臟。肝臟應東方春生之化其氣生風。東方當南北之間陰陽交應為風氣所從生因氣成形。

故風生木。因形成味。故木生酸。因味生臟。故酸生肝。而肝臟得天地之氣化。復以本臟之精氣生筋。而

生心。斯又由本臟所生。而生及相生之臟也。

在天為風。在地為木。在體為筋。在臟為肝。陰陽應象大論

此言肝臟得天地之氣化。先體後臟者謂筋在外。肝在內。天地氣化自外而內也。

在色為蒼。在音為角。在聲為呼。在變動為握。在竅為目。在味為酸。在志為怒。陰陽應象大論

此言人秉天地之氣化。復由本臟自內而外。肝臟得東方之化。其色蒼蒼。為東方之色。其音角角。為木

音和而發聲為呼。握則其變動也。形於竅為目。發於味為酸。由氣味發生。情志在肝。則主怒也。

怒傷肝。悲勝怒。風傷筋。燥勝風。酸傷筋。辛勝酸。陰陽應象大論

此言五行有生制之理。肝木也。秉天之氣為風。秉地之味為酸。所以生且養也。木性條達。故木性之人。

伉伉然。在五志中則怒屬之。然亢則害矣。惟金承制之。燥為金氣。辛為金味。悲為肺志。此為金能勝木

之義也。

春三月。此謂發陳。天地俱生。萬物以榮。夜臥蚤起。廣步於庭。被髮緩形。以使志生。生而勿殺。予而勿奪。賞

而勿罰。此春氣之應也。養生之道也。逆之則傷肝。夏為寒變。奉長者少。四氣調神大論

此言調變肝臟之法也。時屆春三月春陽上升。發育庶物。故從新此真發陳之時也。自立春以後。氣發動。萬象更新。天地生機於此發軔。故萬物勾芴萌達欣欣向榮。在於此時斯時也。調變肝臟之法有三。(一)夜臥早起。廣步於庭。所以布發生之氣也。(二)被髮緩形。以使志生。所以養發生之機也。(三)生而勿殺。予而勿奪。賞而勿罰。故君子於啟蟄不殺。方長不折。所以培發生之德也。凡此皆以應春氣養生之道也。肝屬木旺於春。逆春生之氣則傷肝矣。夏為寒變之病。因奉長者少。故也。

正月。二月。天氣始方。地氣始發。人氣在肝。診要經 終論

正月。二月。寅卯月也。月建屬木。天氣始開地。氣始泄。而人氣在肝。肝主東方。寅卯木主發生之生氣也。

第二節 論肝臟應天之氣化

東方青色。入通於肝。開竅於目。藏精於肝。金匱 真言

此言肝色青之感應也。凡物始生皆無色。其有色也。因內含色素攝收日光。以成肝之色素青。故東方青色。入而通之。以養肝臟之精。而肝臟之精氣復開竅於目。是以天氣通乎人。人氣亦通乎天也。其陰精藏於本春。臟時陽氣升。而肝臟應之。又按人之始生。內部五臟肝占全部之一大部分。西人霍力以 克氏說為汰血之用。及心臟發育肝始退化。此我國所為以肝屬東方木。而主春生之義也。

風氣通於肝。陰陽應象大論



此言風生木木生肝。內外一氣相通。經曰。東方生風者。言東方當南北之中。為風所由生也。南北是陰陽兩殊。故風從此異。東方是陰陽交應。故風從此生。近世天文學言。空氣有冷熱相吸。而成風。曰夏月熱帶在北。風從南至。冬月熱帶在南。風從北至。內經則從陰陽交應處立言。而探生風之源。其義精矣。人秉天之風氣。以生肝臟。故肝配位於東。司風木之化。名曰風臟。而與天之風氣通也。

肝為牡臟。其色青。其時春。其日甲乙。順氣一日分。為四時篇。

肝屬木。故為牡臟。肝之色青。木之色。亦猶是也。肝旺於春。肝與膽為表裏。足厥陰主乙木。少陽主甲木。

此為陽中之少陽。通於春氣。六節藏象論

肝屬木。位居東方。為發生之始。以明血氣旺於春月。陽氣始生之候。為陽中之少陽。而通乎春氣。

其數八。金匱真言

河圖三為木之生數。八為木之成數。唐容川曰。五行之數。起於一者。初也。始也。混沌初開。惟水先有。故曰天一生水。然水氣初生而未成也。必待火木金土之氣皆生。水得兼借其氣而後成。故歷二三四五。至於六數乃成也。火則繼水而生。故地二生火。亦成於水之後。故天七成之。水火之氣已具。乃化生木。故天三生木。地八成之。四九金五十土。其理一也。生於陽者成。則為陰。生於陰者成。則為陽。聖人於生成之次序。而以數紀之。又以其數之。陰陽而於物驗之神矣。

## 第六十三次 生 理

## 一四

## 第三節 論肝臟應地之氣化

其類草木

金匱  
真言

於五行配木。越人曰肝有兩葉。草木甲坼之義也。按越人此說甚爲淺薄。余謂狀以草木甲坼之形。不如證以草木生化之性。爲有當於經旨也。考動物皆吐炭納養。植物皆吐養納炭。吾人之食物。植物爲多。無論爲豆。爲蔬。爲菓。無不含有炭氣者。而此所含之炭氣滲入血脈中。遂以變赤而爲紫。蓋人身之血。發於心。則赤。返於肝。則紫。赤紫二色之變換。必以微絲血管爲物質。交換之場。動脈中之養氣。由此散出。靜脈中之炭氣。由此滲入。故動脈之散。爲靜脈換言之。即發血管變爲迴血管也。肝爲迴血之總匯處。輸入迴血。所造精汁入膽。以儲之。使爲胃化穀。輸出迴血。所含廢質上肺以排之。使爲心生血。若是肝也者。一穀氣血氣生化之大機樞也。故曰其類草木。

其味酸穀味酸先走肝。

金匱真言  
五味篇

書洪範木曰曲直。曲直作酸。是其義也。蓋酸也。者木之本味。木得寒溼之氣則化而爲酸。如菜入罈醃則味酸矣。木得溼熱之氣則化而爲酸。如麩得糟糲則酸是矣。西人謂肝之門脈主吸收糖質。然凡果實之甜者。皆含糖分。當未成熟之先其味皆酸。及既腐化之後其味亦酸。則知糖質亦酸類也。五味各喜走同性之臟。故酸走肝。

其臭臊金匱真言食草木各禽獸皆有臊臭秉木之故氣也。

其穀麥金匱真言麥為芒穀秉東方勾萌之木氣麥芽能疏肝

其果李五常政大論凡果皆是木質而又各屬五臟李則肝之果也李根皮郁李仁仲景用以治肝

其畜雞金匱真言異為雞木畜也仲景治轉筋用雞矢白取其為肝去風也

其菜韭五味篇韭得春氣最先故屬木韭根止血能行肝氣韭子治遺精能溫斂肝氣

其蟲毛五常政大論大而虎豹小而毛蟲皆風木之氣所化。

第四節 論肝臟之體象

內經刺禁篇肝生於左一語為醫界一大疑案。謂此為古人未經實驗耶。軒皇何憚解剖一人。謂此為古人自為臆造耶。岐聖何用誑惑後世。況漢代淮南猶持肝右脾左之說。寧開天氣道之世。神聖一堂。反以謬誤示人。窃思肝生於左一語。此生字當與東方生風。風生木。木生酸。酸生肝。一例主氣化言。非主部位言。氣蓋我國醫經言。體象必先氣化。通考全經目昭然若揭。然亦未嘗詳風化而略體象也。爰將諸家學說列左。

難經云 重二斤四兩。左三葉。右四葉。凡七葉。按四十一難云肝有兩葉是總其大數言之

王叔和脈訣肝臟歌註肝重四斤四兩。左三葉。右四葉。而兩行分也。

孫思邈千金方云。肝重四斤四兩。左三葉。右四葉。凡七葉。

李梴醫學入門云。肝有二布葉。一小葉。左三。右四。共七葉。分兩行如木之多葉。又云。肝系貫膈入肺中。與

膈膜相連筋脈。皆肝所生。

章潢圖書編云。木也官也。居心下少近左七葉。

銅人云。期門二穴。肝之募也。在背則肝俞在九顛下是肝之部位也。

金鑑刺灸心法篇。引難經云。肝重二斤四兩。左三葉。右四葉。凡七葉。肝之爲藏。其治在左。其藏。在右。脇右

腎之前。並胃著脊之第九椎。

以上諸家學說。金鑑所引。難經之文最明。且晰。此必針灸家所見古本難經。今本無肝之爲藏。二十五字。蓋遺文亡佚久矣。碎玉零珠得見於刺明心法篇中。何寶如之。曰其治在左。所以明氣化也。曰其藏。在右。脇右腎之前。所以明體象也。世之誣經者。一博考之。自昭然若發矇矣。

又按古尚書說脾木也。肺火也。心土也。肺金也。腎水也。月令春祭脾。夏祭肺。季夏祭心。秋祭肝。冬祭腎。古以五行及四時之序。配五臟。亦肝右而脾左也。不獨淮南子爲然。

鄭康成駁異云。今醫病之法。以肝爲木。心爲火。考說文心篆下云土藏也。博士以脾爲土。肺爲金。則有瘳也。若爲火藏是漢博士已據內經立說。

反其術不死爲劇。據鄭說可知氣化之重於體象矣。若是經以五行配五臟。及左右方位在昔漢代已

之甚詳不待近人斷。斷然致辨也。

### 中圖說

醫林改錯云。肝四葉。膽附於肝右邊。第二葉。余按肝系後著脊前連胃循腔子一片遮盡。是爲膈膜。肝體附隸於此。半在膈上。半在膈下。王清任名其系爲總提。即西人所謂提肝韌帶也。唐容川曰。以肝系論。實居脊間正中。至診脈分部左右者。亦從其氣化而分。非以形而分也。經謂肝在左。不過以應東方春生之氣。故位配於左。云爾。

### 西圖說

西人曰。肝臟赤褐色。前緣略銳。後緣鈍圓。右端厚大。左端薄小。在橫膈膜之下。充填於右季肋部。質雖堅韌而易於破碎。爲長方形。上凸而下凹。上以提肝韌帶連接於橫膈膜。下由H字狀溝（左右縱溝及橫溝）區分左右。前後四葉。最爲厚大。左葉扁小。被於胃之一部。前葉成四角形。後葉最小。右縱溝之前部即膽囊所在之地。左縱溝之前部受納圓韌帶（胎兒臍靜脈遺物之韌帶）而與靜脈樣韌帶相通。橫溝則爲左右縱溝之連合處。又稱肝門。以其爲肝動脈。門脈。及肝管之所出入也。

### 第五節 論肝之功用

肝主疏泄。西說肝製膽汁。入胃化穀。即中說木能疏土之義。肝屬乙木。膽屬甲木。胃屬土。所謂土臟也。肝製膽汁化穀。且又能疏水。疏水之義。醫林改錯詳言之。其言曰。肝覆於胃之上。胃之下口灣曲。處有二

門。在幽門之上。號曰津門。有津門管。導胃中之水外出。入油膜中。下滲膀胱。而肝葉正覆其上。後靠脊前。連膈膜。余謂肝連膈膜。而膈膜因人呼吸扇動。則肝之總提亦因之。上下抽出胃中之水。由津門入導水管。而為胃行水。斯古所謂肝主疏泄之義。益明矣。西人亦有水由肝過之義。可證。肝為腺甚巨。含血滋多。名曰血海。以肝藏血也。使血不經肝臟藏之。則迴血管之收縮。與發血管之注射。其障礙於心臟之功用者甚鉅。故血藏於肝。正所以調節之。使血流各安其道。

### 生理衛生學問答 (續)

呂子厚

問 莴苣有何功用

答 莴苣有清涼鎮靜之性。可以降溫解熱。蕩滌血垢。潤澤內皮。調理腸胃。每當就寢之前。略食若干。足以定心神。致酣睡。因其中含有麻醉之質。故有安眠之效也。余於每年春常以莴苣葉為蔬菜而食之。知其除菠菜外。一誠莫能與比也。

問 西瓜有何功用

答 西瓜有清涼利尿之效。用於水腫及尿管炎症。并能除煩解熱消暑。上渴潤內皮。利大小便。患熱性病者。食之最宜。但必僅飲其汁。而棄其渣滓。否則恐難消化也。

問 柿子在水菓中之價值如何

答 柿子在水菓中并非上選。惟在醫藥中用途頗廣。柿子生者味頗澀。中含單寧酸甚多。有收斂之性。可

使微血管收縮。故內用可治腹瀉。及便血等症。柿之熟者中含糖分頗多。略有滋養之功。問石榴在水菓中之價值如何。

答石榴亦非佳良之水菓。惟因其中含多量之單甯酸。故醫藥上常利用之。其味酸。而且甘。性寒。而斂。能清熱降火。潛精固腸。若連皮煎水飲之。善治遺精。自汗。大便滑瀉。便血。血痢。小便不禁。以及婦女精水過多。與崩帶等症。誠收斂藥中之不可少也。若將石榴皮晒乾炒焦研為細粉。外用可為極良之止血藥。腋中有狐臭者。亦可用此粉塗擦之。



### 小兒衛生

鮑東藩

小兒肌膚薄弱。腸胃柔脆。父母之心。靡不加意愛護。但於飢寒飽煖。通常多失之太過。其因不及而致疾者反少。祇知飢寒足以致病。而不知過於飽煖以致病。十常八九也。

小兒初生開食之先。通俗多喂以黃連甘草湯。不知黃連苦寒而性滯。不若改用大黃。大黃苦味稍減而帶甘。其性走而不守。實勝於黃連。王孟英法。用生芝蔴。嚼碎軟。絹包作團如乳頭大。納兒口中。俾時吮之。

敗毒而不傷胃。實良法也。

小兒最易教成慣習。啼聲不急時。乃爲小兒一種天然運動。知其非爲飢寒而啼。慎勿一聞啼聲。即行搖籃。或是擁抱喂乳。如過順其情。慣習就成。即難改變。教之成習。而復怒之。不如慎之於始也。小兒因慣習不遂而啼。乃爲真啼。斯時不遂其意。啼終不止也。

小兒衣被。與其失之過煖。毋寧失之過寒。過寒則肌腠緊閉。體內自具一種天然抵抗力。外撫其膚。雖若寒極似凍。其實體內固不寒也。過煖則皮膚薄弱。易於出汗。汗出則肌腠空虛。反易感受風寒。明乎此。則知小兒之衣。不宜新棉重棉。乃防過煖之爲患。小兒覆被。惟臍腹爲最要。即在盛夏。通身可一絲不挂。惟臍腹須加圍巾。不可露外。臥時尤須緊覆。

乳兒勿令過飽。過於優逸之人。飽食且非所宜。小兒腸胃柔嫩。消化力不強。且缺少運動。過飽則胃力不能勝任。此食積所由成也。周歲以內。勿食以乾燥堅硬之品。及生冷黏滯油膩之物。五歲以內。只食以飯粥蔬菜爲佳。葷腥切不宜食。小兒骨骼中含膠質最富。故甚柔而不脆。臥時就乳。頭既偏向。則一側因久枕而骨下陷。必須改換傾向。令兩側平均而後可。坐不宜早。亦不宜久。早令久坐。則脊柱一曲。更不能直。龜背之症。多由於此。

### 公共衛生

鮑東藩

人煙稠密之區。最易發生疫症。由不溝公衆衛生故也。一家污穢不潔。醞釀成疫。疫毒傳播。乃及四鄰。諸



多不潔之處。依次發生。乃至傳染。一方不潔。腐穢之物。實爲疫症傳染之媒。先事預防。惟公衆衛生爲先務。

一爲個人家庭中之力求清潔。穢積宜常掃除。坑廁宜常滌蕩。在炎熱薰蒸之夏秋兩季。糞除尤宜加勤。此時穢穢鬱蒸。最易發生毒厲。稍有疏忽。即已發生於無形之中。比及覺察而後爲之防。或已不及矣。

一爲旅館之宜力求清潔。旅館爲多人醫集之所。流品不一。或衣服本來不潔。或嗜食果餌殘餘之物。任意拋棄。即水濕浸漬之處。屢多茶水之傾瀉。無復乾潔之候。亦復鬱而爲厲。是固在旅客之守公德。愛潔一如家庭。而館主人之注意檢察。亦殊不可忽也。

一爲道途之力求清潔。道路爲公衆往來之所。旁有穢積。最碍行人。警區所轄。尙因督察而知戒。至檢察不及。督理不嚴之處。則棄水積污。不堪駐足。國人團體自治。宜從道路始。顧私利而不顧公益。失公衆衛生之道。一旦疾疫流行。則自私者。勢亦不能獨免。故潔治道途。爲人即係爲己。而淺見者不知也。垢穢之物。投棄溝渠。尤足妨害公衆。國人公德心倘益發展。此等事當漸絕跡也。



# 病 理

病理學 (續)

時逸人

## 水腫四

液體蓄積於組織或體腔內。通稱爲水腫。滲潤於皮下結締織者。則又呼爲浮腫。從其所在部位。有種種名稱。如心囊水腫。腦水腫。胸水腫。腹水腫等類。

「水腫之概論」據現代醫學之考察於水腫病分五種討論（一）充血性水腫——即局部性水腫（二）鬱血性水腫——即心臟性水腫（三）因還流障礙之水腫——身體中之淋巴管。有多數連合枝。故雖一部份障礙。決不發生變化。惟胸部之大淋巴幹。苟有病變時。凝結在上。則爲傷寒論中之結胸病。凝結在下。則爲腹水。（西名乳糜性腹水。我國通稱爲單腹脹）又淋巴液滲透於膀胱之內。則發現乳糜尿。（四）毛細管分泌亢進之水腫。此項又分三種。（甲）血管神經性水腫。（乙）炎症性水腫。（丙）惡液性水腫。及腎藏性之水腫。（五）填充性水腫——由組織缺損壓迫消失而生。其主要症。見於頭蓋腔。及脊柱管內。如腦髓或脊髓之一部萎縮。消耗其腦汁。髓液增加。而填充其萎縮消耗之處。故名。凡水腫之部。乃疏鬆而多裂隙之組織。假令堅密之部。液體不能浸潤而蓄積。故不發生腫患。組織之水腫者。其彈力全無。以指按之。遺留指痕頗少。乃因水液浸溼之故。其有彈力極盛。按之指不能入者。乃水液壅滯脹滿之故。舊說於此。分別風水氣水之症。實屬誤會。又腫處多貧血。現蒼白色狀。乃因血管爲水液壓迫之故。至於體腔水腫。往往壓迫鄰近臟器。而發生危險。仍如心囊水腫之壓迫心臟。致循環障礙。胸水之壓迫肺藏。而障礙呼吸是也。

「水腫之原因」以生理上白毛細管內皮細胞分泌液狀成分。名淋巴液。滲潤組織。以供給組織之養物。更能吸收組織代謝產物之老廢成分。自組織腔輸入淋巴管。復經淋巴幹而入大靜脈。設淋巴液分液太多。淋巴液管不能盡量吸收者。則停滯於組織內。而成水腫。此普通水腫病。生成之原理也。此外各症。炎性水腫。神經性水腫。惡液性水腫。充血性水腫。其所以發生之原理。皆由淋巴液分泌太多之故。其內因為迴血管。先有阻塞。然後水溢胞膜而為腫。如心以上大迴管。有一處阻塞。腦頭手之血。難返心房。上半身即見腫症。心以下大迴管。有一處阻塞。肝腎足之血。難返心房。下半身即見腫症。若水但聚於週身皮膜間。則手足腫。或全身腫。若水聚於腹。則為腹脹。其外因。在勞倦時。汗液被冷風雨忽止。不得外泄於汗孔。勢必由吸吸管內泄。泄於腸中則瀉。泄於皮膚則為腫。此與陳無擇所謂。腎虛則火虧。致陰水凝滯。肺滿則泛溢。使陽水沉潛。沉滯則氣閉。凝滯則血澀。經絡不通。板機不轉。水乃不行。滲透皮膚。乃為浮腫。足脛尤甚。兩目下腫。腿股間冷。胸腹堅脹。不得正偃。偃則咳嗽。上為喘急。下為腹滿。其說與最新學理。大致相同。

「水腫之病理」(一)炎症性水腫者。乃由於高熱劇冷。外傷中毒。傳染病等。致血管壁起變化。而分液增加富於蛋白質。又多白血球。且有凝固性。其症狀為寒戰發熱。頭痛噁心。皮色赤濁。溺短赤澀。(二)惡性液水腫。一名淡血性水腫。乃因血液之水分太多。或蛋白質減少。而為淡薄之血。同時其血管壁亦起變化。血液之水分。乃滲出血管而為水腫。其證狀先腫於眼臉。唇鼻頰頸。後及於腰腹四肢。用手壓之。皮不凹陷。(三)局部性水腫。乃身軀某部份。如皮膚。鼻粘膜。喉頭。氣管。左側。右側。上肢。下肢。顏面。腎囊

等。局部之水腫。實亦含有神經性水腫之性質。蓋其原因。亦為血管運動神經之障礙。故或偏腫在左。或偏腫在右。或但頭面腫。或但腎囊腫。例如麻疹。結節性紅斑。雷行疹等。皆屬之。新說以為多起於水血病。乃惡液質之人。為充血性之水腫。以上三種。在中國醫書。統共謂之陽水腫。多因六淫外客。飲食內傷。症雖屬實。而有風熱。溼熱。積熱。瘀熱。之不同。(四)心藏性水腫。又名鬱血性水腫。因心藏瓣膜病。或代償機能障礙。而起之。全身鬱血。血壓停滯。其液狀成分。自小靜脈毛細管壁。漏出於體外諸組織。而生水腫。因鬱血故。所以皮現青色。而呼吸困難。(五)腎藏性水腫。亦稱腎炎性水腫。即因心藏衰弱。全身發鬱血性。致腎孟生局部炎症。不能盡其輸尿之功用。血中水分。因鬱滯而增加。同時排出蛋白質。故血中蛋白質減少。其證狀。顏面先腫。週身之腫繼之。其辨別。則以心藏病。先腫足踝。腎藏炎。則先腫於顏面四肢。中國醫書。統謂之為陰水腫。多因情志操勞。酒色過度而發。症雖屬虛。而有虛寒虛熱之各異。及腹水石水之辨別。(六)血管神經性水腫。乃血管運動神經麻痺或興奮。致毛細管。分泌增多而成之水腫。吾國通稱為氣腫。即內經所論膚脹是也。(七)麻痺性水腫。生於組織液缺乏。運動不良。神經起救濟作用。筋肉援助太過。或半側麻痺。或四肢全麻。我國所謂痛瘋。身腫是也。

「水腫之證候。」陰水腫。先腫下肢。腰腹脛跗。後遍身腫。皮色青白。口不渴。大便溏。小便少。陽水腫。先腫上體。頭面手背。後腫遍身。皮色黃赤。口煩渴。大便閉。溺赤澀。氣腫。皮厚色蒼。一身盡腫。自上至下。按之不成凹而即起。四肢削瘦。胸腹痞滿。溼腫。皮薄色澤。腫有分界。自下而上。按之成凹不腫起。小便不利。上氣

喘咳。痛風腫頭痛惡風。面浮身腫。皮粗麻木。流走注痛。黃疸腫。身目俱黃。面浮肢便。腫溇腹滿。溺短赤熱。婦人水分腫病發於上。先水腫而後經斷。便溇。皮無赤痕。心下堅。大腹脹。溺少。血分腫病發于下。先經斷而後水腫。皮現赤縷。少腹硬痛。便黑溺清。更有溼漬於脾。水氣橫泄。四肢浮腫。喘不得臥。心腹脹滿。飲食難進。溼流於下。脚氣支滿。上攻心胸。腕中脹悶。脹甚則嘔逆。二便不利等症。

「水腫之治法」昔人於水腫病。首分虛實寒熱。明其原因。用藥乃當。「如因寒客皮膚而成氣者。」林氏所謂膚脹屬肺是也。用五皮飲。加香附蘇梗。「寒鬱下焦而成水腫者。」金匱所謂溢飲支腫支飲咳逆其人形腫。用麻附五皮飲最效。「寒飲侵肺。肺氣不化而先喘後腫者。」金匱所謂溢飲支腫支飲咳逆其人形腫。是也。麻杏石甘湯以石羔湯滑石或小青龍加茯苓湯。「寒濕鬱脾。脾氣失運。而先腫後喘者。」內經所謂諸溼腫滿。皆屬於脾是也。大橘皮湯。香砂胃苓湯。皆可用。「風熱或溼熱入肺。肺氣腫盛。不能通調水道。致上身腫而喘息者。」此中醫所謂肺痺肺脹。西醫所謂肺積水與氣。而為炎症性水腫是也。越婢加半夏湯。或葦葶湯送下葶歷太棗丸。「積熱停溼。壅滯成腫。或上肢腫。而面金目黃。或下肢腫。而腕腹痞滿。」此中醫所謂黃腫及脚氣西。腫醫所謂充血性局部性水腫是也。面黃者。用加味二金湯。（鷄內金、海金沙、茵陳、通草、川朴、猪苓、山梔、腹皮。）脚腫腹滿者。加味小承氣湯。（川朴、枳實、大黃、木瓜、川棟、枳櫛、廣皮、苡米等。）癆熱停積。經絡鬱滯。或先水腫而後經斷。或先經斷而後水腫。中醫所謂血分腫。及水分。西醫所謂惡液質性水腫是也。或經停而後水腫者。宜用加味絳覆湯。（茜草、烏賊骨、桃仁、歸尾、澤蘭、

葱管等。先水腫而後經停者。宜用千金鯉魚湯。（歸尾、澤蘭、赤芍、新絲、通草、與活鯉魚同煎，送下沉香、琥珀丸。）至若虛腫。或外感病後。失於調養。或內傷情志。不能解脫。或平素傷於酒色。正氣內虛。皆足以讓成腫病。此西醫所謂心臟性、腎臟性、及鬱血性水腫是也。氣虛者。用黃芪、秫米煎。陽氣衰弱者。用苓桂朮姜。加附片、威靈仙等。腎氣虛弱。尿道為之不利。致水積于腎。而為水腫者。此西醫所謂腎盂炎是也。宜滋腎丸。若夫實腫。或由胸膈停痰。或由腹膜積水。或由腸胃積滯。致暴發急性鬱血。而為水腫者。惟腫必兼脹。停飲以蠲飲萬靈為主。積滯以枳實導滯為主。皆有捷效。以上統論水腫之大法。



脈話 (續)

陳賓卿

五說中西論脈有詳氣略血詳血略氣之不同及其得失

夫人自先天所稟之精而成形。後天所化之精而養形。於是內而臟腑。外而軀殼。無不賴之得有充分之營養。而後生化不息。故經曰「物之生。從於化。物之極。由乎變。變化之相薄。成敗之所由也。」又曰「出入廢。則神機化滅。升降息。則氣立孤危。故非出入。則無以生長壯老已。非升降。則無以生長化收藏。是以升降出入。無器不有。故器者。生化之宇。器散則分之。生化息矣。故無不出入。無不升降。」又曰「氣之升

降。天地之更用也。」又曰。「升已而降。降者謂天。降已而升。升者謂地。天氣下降。氣流於地。地氣上升。氣騰於天。故高下相召。升降相因。而變作矣。」升也。降也。出也。入也。必人體具有上下內外之道路。縱橫羅列。始能周流無滯。金匱云。「腠者三焦通會元真之處。理者皮膚臟腑之文理。」人體之大小分肉。皆以極細之肉絲。組合而成。其相組之間。皆束以極薄之膜。此膜內而臟腑。外而肌肉各組織。皆具有極微罅隙。故氣之由上而下。自內之外。自外之內。來往出入。得以周流無滯。故臻理者。人氣出入升降之門戶也。

氣既有此門戶。以升降出入。苟無爲之主者。爲之配制。則升降出入。或太過不及。循行不能周勻。則人病。或緩急多寡失當。則外侮不能抵禦。人亦病。配制者。主宰一身之神是也。孟子曰。「志氣之帥也。」志者何。心之所之也。心爲物質。固定不移。何能有所之。有所之者。心臟所藏之神也。志爲氣帥。即神爲氣帥之義也。惟神爲氣帥。故氣之升降出入。一聽命於神之配制。殆有若士卒聽命於將帥之配制也。又曰。「氣體之充也。」體該內而臟腑。外而軀殼。言氣充於體。則此體各部臻理之隙。無處無氣。又曰。志壹則動氣。氣壹則動志。壹。專一也。即有所之意。動。役使也。擾亂也。志向偏於一方。則配制其氣。使之亦偏向一方。如將帥之指揮士卒。士卒不能不聽命。故曰動氣。若氣偏向於一方。則志亦不得不隨氣偏向於一方。亦有若士卒方命相傾。將帥失其配製力。亦不能不隨之而傾。故曰動志。經曰。「心肺之臟氣有餘。其神易動。其氣易傾也。陽氣滑盛而揚。故神動而氣先行。」二說理正相通。人之全體內而臟腑。外而軀殼。無

不有氣充塞其間。氣之循行。無不以神之配制而履軌合度。神之說。西醫近尙目爲神話。廢理說。雖與西醫無數筋纖維被以結締織之說合。「結締織之間。有血管以營養筋肉。淋巴管以除去廢料。神經以管理筋肉。」然絕對否認有氣充乎其間。惟生理學謂「皮膚能呼吸炭吸養。與肺臟同其作用。能排泄水分廢料。與腎臟同其作用。又能吸入水液。」夫呼吸排泄既能與內臟同作用。此呼吸排泄之養廢料。上下出入。能不假道結締織間之隙竅而通過。若謂結締織之間絕無隙竅。則氣體不能通過。排泄水液之說。不更成夢話乎。

氣之關繫人體。既若是偉大。然內經卻謂「脈爲血府。」生理學謂「脈爲血管。」本編所述。獨詳於氣。而不及血者。非略也。志爲氣帥。氣爲血帥。志壹則動氣。氣行則血行。氣鬱則血鬱。氣之與血。猶陰與陽。猶夫與婦。相須而相依者也。故氣爲血之導。血爲氣之隨。血行脈中。氣則無所不至。故氣之所至。有血所不及。血之所至。則不能無氣。故血滯於氣者多。氣滯於血者少。故言氣而血在其中。學者觸類旁通焉。可且也。血爲液體。液體氣體不能相容。夫人而知之矣。惟液體不能容氣。卻能化氣。脈管有彈力性。可漲可縮。血液體也。藏於脈中。故經曰。「脈者血之府。」又人體有相當之溫度。脈中之血。被體溫蒸發而爲氣。其氣爲營。故經又曰。「營在脈中。」然脈既爲血府。又爲營氣之所在者。非謂液體氣體可以相容也。蓋液體中不能容成泡之氣體。而液體本身。可以化爲氣體。氣體中不能容留液體。而氣體本身。可以凝爲液體。故營與血者。並在於脈中者也。氣可導血。故血隨氣行。氣盛者。血之運力旺。氣衰者。血之運力弱。



陽盛者脈管膨脹而較大。陰盛者脈管收縮而較小。故即脈力之強弱。管體之漲縮。可以知氣血之盛衰。反之即氣血之盛衰。可以卜脈之強弱。管體之漲縮。彼謂脈止爲血管。脈之搏動。由於神經配制心臟脈管。使管伸縮作用。逼壓血液運行之現象。尙爲未知其二也。

再就臨診實驗言。浮取虛大按之細小如絲之脈。數見而不一見。豈人之血管有二乎。豈大血管之中。含有小血管。小血管之外。圍有大血管乎。即此可知內經榮行脈中衛行脈外之語。決非哲理。特今尙無法剖驗耳。

### 詐盲鑑別法

醫專教授 陳航慈  
醫會理事

具目而盲。痛苦事亦不幸事也。有人焉。兩目炯炯。無異常人。而詭稱失明。如徵兵迴避者。或另有目的。或毫無所謂。或歇私的里婦人。以及兒童等。往往以一眼失明告人。人而不察。墮其術中矣。因作詐盲鑑別法。或亦讀者所樂聞歟。

#### 法一

令被檢者。置自己之指端於眼前。次封閉其健眼。使自稱失明之眼。凝視其指。此時如係真盲。其視線必立向指端。若屬詐盲。則其視線必故意偏向他方。

#### 法二

令被檢者讀書。以鉛筆立於兩眼與書籍之間。如兩眼均屬健全。誦讀書中文字。必能一字無遺。若一

已失明。則書中某行文字。爲鉛筆所掩。必不能見。蓋一目雖明。不能明察左右顧也。

### 法三

乘被檢者與我談笑之際。贈以煙卷。如被檢者受煙後。啣於自稱盲眼側之口角。則更贈以火柴。若被檢者接火柴後。且燃且吸。毫無困難。必爲詐盲無疑。

### 法四

健康之人。左右瞳孔。對於光線之反應。大致相同。光強則瞳孔縮小。光弱則瞳孔散大。如一眼確係失明。或有高度之視力障礙者。則該眼瞳孔。對於光線。必無反應。或反應甚弱。而他眼反應則轉強。此通例也。故對於自稱一眼失明者。可根據此理。同時檢其兩眼。而比較之。如兩眼反應相同。即屬可疑。間有少數疾患。眼雖失明。仍現瞳孔反應者。但屬罕觀。

### 法五

僅以光線照射自稱失明之一眼。而檢視他眼之瞳孔。反應與否。如有反應。即屬詐盲。蓋凡兩眼健全者。雖以光線。照其一眼。而無光照射之他眼。亦必同現反應。生理上所謂同感性反應是也。

### 法六

命被檢者睜開兩眼。注視前方之一物。勿稍轉目。檢者乃舉一燭。自被檢者健眼外側方約一尺處。漸向被檢者鼻前移動。詢其見燭與否。次更將燭火。漸移至盲眼之外側方五六寸處。再訊其見燭與否。

如被檢者能見盲眼外側方五六寸處之燭光。即屬詐盲。蓋健康人一眼之視野外界。外方約為九十度。內方約為六十度也。

法七

先於黑紙上書紅色與綠色二種文字。次于被檢者一眼前置紅色玻璃。他眼之前置綠色玻璃。而命被檢者閱讀。如僅能閱讀紅字。或僅能閱讀綠字。即屬一眼失明。如兩種文字。均能閱讀。為兩眼健全之徵。亦即詐盲也。

附識 鑑別詐盲方法繁夥。上述各條。最稱簡便。已足發露詐盲。而無遺漏。其有手續煩瑣。以及需用特別器具。始可檢驗者。不詳叙。

妊娠之鑑定 目次

葉勁秋

冠辭	每月分辨	一般徵候	經閉	嘔吐
食慾 改變	乳部異樣	腹部膨大	胎動	其他
初妊 婦	經產婦	男女胎兒之 別	妊期	產期之預知

冠辭

婦女初次妊娠。缺令生育常識。往往不能自知。即醫生診斷為時尙淺。胎兒渺小。亦不易辨識。致有誤作

停經。妄投破血之劑。因而墮胎者。在所都有。實則妊娠自有其他顯象可徵。在稍有妊娠常識者。自能知之。

婦人初孕。生理上頓起變化。常有病的現象發現。而其病象。常與勞病。初期相似。故於婦人科學上有一「初妊似勞」一說。以初妊後所現病象為月事閉絕。精神疲倦。面色蒼白。飲食稀少。虛寒虛熱。凡此種種。與初期勞病甚為相似。致有誤勞為妊。誤妊為勞者。此妊病之所以不得不加以精密鑑別也。為醫者固宜深究。庶免自誤。誤人而一般人尤當加以相當的認識。自不改自貽伊戚。

鑑別之法。現在化學昌明。時期嘗有。用藥品化驗。但藥品發明未久。證驗未多。或有失于確切之弊。而藥品化驗尤非一般人所能嘗試。終未及認證之為簡便。特為分述如下。俾便一般人之檢閱。

#### 每月分辨第一月

忽然月經停止。小便頻數。乳頭漸形紫色。惡心嘔吐。或口中多水。

#### 第二月

少腹稍大。而仍軟。乳頭漸變暗黑色。而高聳。四圍有暗色之暈輪。精神疲倦。時覺小悸亢進。

#### 第三月

飲食無味。喜食酸物。腹部漸大。心煩意懶。腰痠腿軟。微疾百出。

#### 第四月

腹部愈形脹大。乳房變化亦愈著。以兩指夾乳下壓。便有類似清水乳汁流出。若以聽診筒按胸前及臍下左右胎兒之心跳聲。隱隱可辨。如風箱張翕。如鴿鳴其聲。常與母之脈至相應。

第五月

噁心嘔吐、腰痠腿軟、俱消失。腹部愈覺膨大。時覺胎兒在腹中跳動。

第六月

腹部胎兒跳動愈勤。腹部更形高大。是時若必欲證明是否懷孕。可令婦人直立。醫者以指探入陰道。抵子宮口向上一挺。少頃。即覺胎自上下墜。蓋兒在胞中。被指迫之而上。旋又落下。

第七月

少腹緊張。臍眼高聳。臍與腹同樣平坦。于臍上約二指間按之。可觸知子宮之底。是時醫者試以冷水浸手按孕婦之腹。即覺兒動甚力。

第八月

大腹緊張。以指壓之。不易低陷。是時醫者摸試。則兒臂肘足顯然可辨。

第九月

呼吸困難。小便頻數。大便時常閉結。身體疲倦。行步艱難。

第十月

兒頭下降。腹圍增大。乃為足月生產時期。

一般徵候

初妊第一現象。一為月經告絕。身體各部亦異其狀態。每起惡阻。時時噁心。體溫冷熱消長靡定。面色或紅。或蒼白。好食酸物。大約初月至三四月間。往往顯此徵候。生殖器亦變態。子宮之容積次第增加。脛及外陰部等。甚弛緩。內腔寬大。而增白色之分泌液。乳房漸次膨大。乳頭呈黑色。腹部現褐色。或帶青白色之線狀斑點。以上種種徵候。有時因其他之疾患而起。非屬妊娠者。故當作過細之研究。

經閉

此為受妊諸據之首。大抵自受妊後皆無月經。然有受妊之後經至一次。或數次者。亦非罕見。如經素不調。則雖無經亦不可為受妊之據。且閉經之故。有因感冒血虧水土不服等。至若身體康健經素調和。一旦經閉。即可謂受妊之顯。

通常月經閉止。為妊娠之徵。但有妊娠二月以上。尚見經水者。又有因病而月經不見者。故不能以月經有無就斷定妊娠與否。還當旁參其他各徵候。如頸部肥大。性情躁急。皮膚戰慄。飲食大進。或食慾缺乏。每朝怒氣沖沖。無理取鬧。或精神鬱抑。憂慮狐疑。又乳房腫脹。緊滿子宮亦然。或因婦人之體質不同。有面部或眼臉腫脹而覺刺痛。每至心悸頭痛。

嘔吐

作嘔與吐多見於晨早起身之時。或臥後吐。或自朝至暮皆吐。乃屬平常受娠之一據。娠後四五星期多作此狀。例至十二星期即行停止。間有嘔至臨產時者。然有時亦因消化力弱。即行嘔吐。且有時妊婦從未得此狀者。所以嘔吐不能為妊娠之確徵。

#### 食慾變改

最喜酸味。及其他異樣食物。間有見飯作嘔吐者。或惡素所喜食之食品。

#### 乳部異樣

在第二月乳房即起變化。然有時不及二月即現變狀者。其變狀為乳房膨脹。血管增加。捫之覺疼。至第三或第四月時。兩乳顏色亦漸變深。乳頭亦有液汁。可擠以云。

#### 腹部膨大

妊娠至第三月底時。腹部始覺膨脹。惟至第五月時。始為明顯。其脹大原因。當為胎兒增長之故。在第五月底時。子宮底可至臍部。至於子宮脹大之速度。通例甚緩遲。若遇急速即屬異徵。非妊娠也。

#### 胎動

此係妊婦自覺。大抵在第十六或第十八星期始行發現。妊日愈多。胎動愈顯。但有時妊婦一二日內不覺胎動。不可驚惶。無傷也。

#### 其他

足部有時微腫。及靜脈曲張。  
臍窩漸淺。以至突出。

陰道內面之粘液膜作鮮血色。漸次成蒼白色。或紫黑色。

#### 初妊婦

初妊婦人腹壁緊張。若欲觸知胎兒之體部。較經產婦稍為困難。乳房脹大緊滿充實。陰門略為哆開。或有全不哆開者。處女膜雖已斷裂。然尙未全消失。而存其基礎。陰室亦狹隘。其子宮表面滑潤。且又弛緩。子宮口亦光滑而作圓形。僅能通一指頭。

#### 經產婦

經產婦則腹壁之皮膚甚弛。具極薄弱。故觸知子宮之事甚易。亦觸得知胎兒之體部。乳房長垂。而不緊張。陰門哆開。呈青藍色。處女膜不具因有之形狀。唯留處女膜痕。子宮表面不平。垂于腔內。至不短縮。子宮口橫裂。為橢圓形。且哆開。而指頭得易通過。

#### 男女胎兒之鑑別

分別胎兒男女。僅憑脈理上診斷。誠屬至難之事。蓋脈理之強弱。遲速。往往由胎母體質之不同而異。用聽診筒貼胎母腹前。聽胎兒之心音。每分鐘。一百二十四跳。至一百三十二跳者。為男胎。一百三十八跳。至一百四十四跳者。為女胎。然而妊娠三四個月之胎兒。形體未備。心音微弱。兼之厚隔。胎母之肌肉而



聽之亦非易事。現有一種科學藥物診斷法。於受胎二月後。用兩個玻璃瓶。各盛少許胎母之尿。一則用散克新 *sexm* (西藥) 投入尿中。若現紫紅色。便是男胎。如不現紫紅色。另用派拉散克新 *pararexin* (西藥) 投入另一盛尿瓶中。若尿現紫紅色者。便是女胎。此藥物鑑別法。既不損傷母體。而手續又極簡便。堪稱為鑑別男女之唯一善法。用量輕重。不妨總之隨尿量之多寡。而酌用之。

妊期

暫通妊期。由末次月經初日算起。平均計有二百八十日。遲早祇差一二星期。即可分娩。

產期之預知

至於產期之如何算法。不惟醫生須知。即妊婦亦當明了。因可得確實預產期。則預備臨蓐。不至臨時倉卒。致生意外。普通算法須記清末次行經日起算起。加上十日。然後向前回數三個月。即為預定分娩之月日。例如末次行經之日。為元月十八號。加上十號。即是二十八號。向前回數三個月。即是十月二十八號。即為預定分娩之月日。



藥物

茶葉之醫療作用

沈仲圭

茶葉之有效成分。爲茶素與單鞣酸二者。百分中之含量爲二與一二之比。茶葉中既含有此多量之單鞣酸。則凡適應單鞣酸。(有收斂止血之效)之病症。似可酌量病情。代以茶葉。茲舉外治。內服。二方。於次。亦家庭常識之一助焉。

火傷鼻衄外治方。

以消毒棉花浸於久泡之濃茶中。取此棉敷於傷處。或塞入鼻腔。乾則易之。

久瀉久痢便血方。

茶葉二三錢。沸水浸漬四十分鐘飲之。

藥用之茶。紅茶不及綠茶。綠茶不及原茶。又嫩葉不如老葉。中國所產不敵印度。爪哇所產。若普通飲用。適與上述相反。此因供藥用者。宜含單鞣酸多。供食用者。宜含單鞣酸少之故也。

### 巴豆之研究

丁叔廉

(科屬)大戟科巴豆屬

(別名) a 巴菽 b 剛子 c 老陽子

(產地)四川各地

(形態)木高二丈許。葉似櫻桃而厚大。初生青色後漸黃赤。五月發花穗作微黃色。六七月間結實。至黃而落。一房兩瓣。每瓣一子。或三子有大小。大者爲雄力峻。小者爲雌力緩。均作卵圓形。長四分。闊二

分許。稍扁平。邊緣略隆。處有縫線。赤褐色之。皮中有黃褐色之仁。

(成分)含有百分之三十。乃至四十之脂肪油。及發揮油樹脂等。

(性味)辛熱而有毒

(功用)通便泄壅。消痰破血。利水殺虫。祛癆下胎。開胃化積。宣中。

(主治)癰疽。結聚。飲癖。驚癩。癰腫。惡瘡。瘧痢。經閉。蠱脹。腹痛。瘧肉。疥癩。

(配伍)配杏仁。大黃。療癰結。心下硬滿。配大黃。乾姜。治心腹卒痛。

(修治)去皮與心。包於紙中。打之。取油。再替紙。以細竹押油。務使至盡。後略炒之。名巴豆霜。又妙至黑黃色。或水煎五次。用或以醋煎。

(禁忌)畏黃連。大黃。藜蘆。與牽牛相反。老年虛人。孕婦忌服。病屬火者不可服。

(用量)本品大用於丸劑。及單方。一回量約數厘至一分。

(附錄)巴豆油。為黃色。或帶褐色之液體。性較巴豆尤烈。治中風痰厥。牙關緊閉。塗於皮膚。數分鐘該部即發生灼熱引赤。如塗少許於臍傍。有瀉下之作用。然油祇能外用。不可內服。

### 儉廬藥話

廉

貝母有二。一為川貝。係產自川中各地。陝鄂等處。亦有之。惟皆不及川產為佳。尤以川之瀘縣為最佳。二為浙貝。又名象貝。乃產浙省各處。以寧波之象山者為良。名稱雖同。巧用大相懸殊。儉或不辨。而誤施摩

用川貝。而以象貝。則禍不旋踵矣。今之醫者。於方箋。僅書貝母二字。藥肆中人。不知當用川貝。抑應以象貝。隨便配合。致多僨事。望我醫界同志。於開方時。宜註明何種。蓋失之毫厘。謬以千里。其慎諸。爰將川浙兩貝之形態。功用。述於下。

(1) 川貝母 形小如粒。略扁似柿狀。中空有心。質鬆有瓣。色白。味微苦。兼甘淡。性平。功用化痰潤肺。解鬱散結。治久欬肺痿。虛勞吐血等症。

(2) 浙貝母 形如菱米。似元寶式。大如半錢。亦有心。藥肆中切成薄片。色白。味苦。性寒。功用利痰。解毒。宜宣肺。開結。清肝火。明目。降氣。定痛。治時感。煩熱。喉痺。肺癆。風火。痰咳。諸血濕熱。及外症。癰疽。諸瘡。尤善治癰癤。痰核。病無執象。溫邪未化。火入裡者。禁用。又有一種名土貝者。尤與川貝性味迥別。不可不知。其根大如錢。獨瓣不分。色黑。堅硬。苦寒而燥。專治瘍科諸症。消腫。解毒。除溼。化膿。斂瘡。收口。梅毒。惡瘡。尤宜。

當歸是婦科妙品。當歸分頭尾身全四種。功用頭止血。而上行。身養血。而中守。尾破血。而下流。全活血。而不走。故稱血中主藥。而為婦科調經之良劑也。近時西人研究本品。用化學方法提煉。成爲液體。以治經病。故某西人有一「當歸統治月經失常」之說。而德國滿克藥廠發行之調經藥。郁門那。其原料亦即本品也。惜我國藥商。不知精製。致良藥棄如蔽徙。殊爲可歎。

大黃健胃之我見 大黃乃峻下劑。人所皆知。其有健胃之能。則自西人始發明。實則我國先醫。久已

知有此效。觀本草載大黃有「蕩滌腸胃推陳致新」夫腸胃者。消化系中主要官能也。腸胃若積滯。停阻。消化力便退減。食慾於是不展。此時進以大黃苦寒蕩滌。推陳致新。則障礙之廢物除。而腸胃內部清潔。消化機能恢復。食慾亦即興振。而成健胃之效。此健胃乃間接非直接也。設因胃寒而虛。氣血損弱。致飲食不進者。豈可與大黃以重傷其氣血哉。西人但知能健胃。而不知其原理。使習西醫者。不問病之虛實。動施以攻為補之謬法。是知其一。而不知其二也。



治療

四時病症全書

陸廷珍遺著  
陳錫康校刊

上卷目錄

- 春溫辨論 春溫條辨三十條 論傷暑中暑中熱辨誤
- 傷暑條辨二十六條 中暑條辨十一條 中熱條辨八條
- 春溫辨論

嘗按內經冬傷於寒。春必病溫。又云冬不藏精。春必病溫。語雖二致。理實一貫。所重在藏精而已矣。蓋冬主藏。腎亦主藏。人能體冬之藏陽。而藏精。則人不至傷於寒。寒邪豈能遽傷於人。故四氣調神篇云。逆冬

氣者腎病。奉生者少。逆春氣者肝病。奉長者少。逆夏氣者心病。奉收者少。逆秋氣者肺病。奉藏者少。彼以春起論。而歸本奉藏。可知奉時之藏。以藏精。則四時生長收藏。於五藏各司一氣。交相運。無偏無勝。而順一歲之氣候。若煩勞多慾之人。陽氣疎泄。陰水先虧。時令之邪。易以湊襲。所爲至虛之處。便爲客邪之所。况春爲歲首。冬爲歲末。春之發生。賴冬之封藏。觀夫諸陰在上。一陽在下。其時天氣嚴寒。而井水反溫。及諸陽在上。一陰在下。其時天氣炎熱。而井水反涼。是陰陽消長。天地闔闢之機。人生一小天地。苟能順天時而固密。則腎氣內充。命門三焦之陽氣。足以固腠理。而護皮毛。雖當春令升泄之時。而吾身真氣內外瀰綸。不隨升令之泄而告遺。縱有寒邪安能內侵。晉王叔和云。寒毒藏於肌膚。至春而變爲溫。至夏而變爲熱。以致後人翻駁。何不云。腎精不藏之人。至春易病溫。至夏易病熱。便能瀰入理譚。則內經冬傷於寒。春必病溫之句。註家咸謂冬令閉藏。寒毒伏於腎中。病不即發。至春陽氣大泄。內伏之寒邪隨升令而外達。後賢已大非其說。謂冬傷於寒者。乃冬傷寒水之臟。即冬不藏精之互詞。何得以寒邪誤解。夫寒爲殺厲之氣。中人即病。非比暑濕之邪。能伏處身中。况腎爲生命之本。所關最大。安有寒邪內入。相安無事。直待春時始發之理。由此推之。顯係溫之爲病。由腎精之不藏。蓋腎既失藏。坎水先虧。少陽之少火悉化壯火。與春時之溫氣。互相交熾。然亦必因外感微寒。而能引動。故初起之時。亦如傷寒之頭痛身疼。發熱惡寒。較之傷寒則傳變尤速。在幼穉者爲甚。以體屬純陽。陽與陽合。其感尤易甚。而化疔。化瘡。爲驚。爲厥。然此溫字。又與瘟疫不同。瘟疫乃不正之戾氣。四時皆有。而此溫乃獨發於春。故名春溫。至於治法。總宜

諸

雜

學

醫

論

辛涼清解。預存陰液。大忌辛溫升散。鼓動風陽。苟能臨症制宜。對症發藥。庶幾無誤。

春溫條辨第一

春溫初起。頭痛。身疼。無汗。惡寒。發熱。目赤。口渴。舌白。脈浮數。此溫邪襲衛。宜用薄荷。大力。黃芩。杏仁。甘草。桑葉。連翹。葛根。等味。辛涼解表。

溫邪初起。無異傷寒。仲景謂口渴則爲溫病。不渴則爲傷寒。是千古隻眼也。蓋傷寒必先太陽。而後陽明。少陽。以太陽經脈最長。由晴明穴上額。交巔絡。膈循項。挾脊。抵腰。入膈。行身之背。至足跟而終。故見證必惡寒。發熱。頭痛。項強。腰痛。作癢。而陽明則生太陽之次。其經起於面。挾鼻上額。循目眶。行身之前。至足內踝而終。故見證必目痛。鼻乾。不得臥。而少陽則又在陽明之次。其經起於目銳眦。上頭角。絡耳中。循胸肋。行身之側。至足外跟而終。故見證必胸脇痛。耳聾。寒熱。嘔而口苦。至傳入三陰。始太陰則口燥。咽乾。腹滿。便瀉。以其經脈循腹。遠溢入口故也。繼少陰則咽痛。舌乾。身熱。下利。以其經脈入腹。循喉嚨。挾舌本故也。終厥陰則舌卷。囊縮。四肢逆冷。以其經脈循少腹。遠陰器。傷寒例中論之最詳。若春溫則木火熾乎。中微寒。襲乎。外病起之時。增寒。壯熱。雖與三陽傷寒相類。而口渴。舌燥。則異。良有先感溫邪。後再感寒。被引而發。故初起必頭痛。身疼。惡寒。發熱。與太陽傷寒似乎相同。雖宜表散。而目赤。口渴。熱自內生。必兼清涼。故用薄荷。大力。桑葉。葛根。解表。黃芩。甘草。杏仁。連翹。清裏。無汗。加葱。白。淡。豉。以助之。咳嗽。加枇杷葉。以泄之。惟羌活爲太陽表藥。葛根爲陽明表藥。柴胡爲少陽表藥。今頭痛身疼。不用

羌活而用葛根者。以陽明爲太陽之次。邪既在表。先用葛根、薄荷、大力、桑葉、協力透表。以斷太陽入陽明之路也。不然傳入陽明。則或氣或血。爲疹爲斑。變幻恐無已時焉。

春溫第二條

春溫汗出微惡寒。頭額痛發熱。口渴脈弦長。此溫邪在氣。宜用杏仁、薄荷、連翹、葛根、大力、葶皮、黑梔、桑葉、枇杷葉等味。清苦微辛以清氣分也。

凡溫症猶傷寒初起。亦先傷陽絡而後傳變。然傷寒以六經見證爲主治傳變而後。更分營衛氣血。溫熱則以營衛氣血爲主。勢已成而後兼分六經。見證何也。傷寒先傷太陽。次陽明。少陽。以次相傳。而後入陰。溫熱則太陽之後便傳變無窮。若不先將營衛氣血分晰辨明。則茫無頭緒。何可措手。故種福堂溫熱論云。溫邪上受。首先犯肺。逆傳心胞。又云衛之後方言氣。營之後方言血。聆此權衡營衛氣血。最爲切要。既汗後微惡寒。發熱。額痛。口渴。脈長。此邪在陽明之表。衛外之邪既散。氣分之熱未清。欲傳之象已著。故用葛根、薄荷、桑葉、大力、枇杷葉、開泄透表。連翹、黑梔、葶皮、杏仁、清宣肺氣。使衛分氣分之邪兩解。不致傳入陽明之腑。而爲斑黃狂妄也。

春溫條辨第三

春溫汗後頭不痛。身熱不惡寒。舌漸黃。咳嗽脇痛。脈弦數。此溫邪犯肺。宜用杏仁、象貝、沙參、桑葉、薄荷、梔皮、連翹、兜鈴、枇杷葉等味。輕揚宣肺也。



肺位最高其象空虛。外徹衛表內司氣化。溫邪初起。首先犯肺。肺主氣其合皮毛。皮毛者。即衛表也。故溫邪之始。亦有頭不痛。而僅見凜凜惡寒者。今汗後頭不痛不惡寒。是皮表邪已透。已泄。而惟身熱色黃脈弦或數。是內熱未清。兼咳脇痛。是邪尚在肺。若不宣泄。必至傳陷。故用沙參桑葉象貝杏仁薄荷連翹兜鈴枇杷葉取氣輕質薄之品。恰到肺位為度。若過清過表。反致纏綿焉。

#### 春溫條辨第四

春溫汗多頭仍痛而煩熱。口渴舌黃脈洪。此邪在陽明氣分。宜用白虎湯。加葛根連翹發參杏仁等味。清氣化熱也。

前條汗後頭不痛發熱口渴脈弦長。乃陽明經病。自宜透表。今汗多則陽邪已解。反煩熱口渴舌黃紅。則邪不在經。而傳入氣分。非表散所能退。故用白虎湯之石膏。知母連翹元參清肺胃杏仁葛根透經邪。甘草粳米養胃津。特葛根為陽明經病主藥。石膏為陽明氣熱之熱。犀角為陽明血熱主藥。邪既在氣。仍兼經藥者。以冀由氣轉經。由經達表。仍從汗泄耳。

#### 春溫條辨第五

春溫煩熱口渴舌黃。尖絳昏譫脈洪。此陽明氣血煩蒸。宜用玉女煎。加黃連玄參鮮石斛鮮菖蒲青竹等味。兩清氣血也。

上條煩熱口渴舌黃脈洪。乃陽明氣熱。例宜清氣。此條色黃尖絳。神昏譫語。血分已熱。心營被灼。非兩

清之。病必不解。玉女煎中之石膏知母以清氣。生地元參以涼血。連翹苳蒲竹葉以清心營。甘草粳米石斛以養胃陰。庶不熟灼津傷。而成痙厥爲要。

### 肺癰

張治河

〔病原〕本症病原。爲外邪傷肺。有受風寒刺激者。有受暑熱刺激者。亦有溫病餘熱。及痧疹餘熱。留連不去。薰蒸其肺者。更有善飲嗜噉。肥甘內蘊。鬱熱上薰。肺遭其灼者。

〔病灶〕本症病灶。多在肺臟。日久不愈。亦有延及胸膜者。

〔病狀〕本症病狀。初爲惡寒發熱。咳逆上氣。繼則胸膈疼痛。痰有腥臭。最後則嘔吐臭膿。音嘎喘急。

〔病理〕惡寒發熱。外邪刺激皮膚。生理起變化也。

咳逆上氣。外邪刺激肺臟。肺臟欲發炎也。

胸膈疼痛痰有腥臭。毛竅肺臟。同爲排泄廢物之溝渠。寒觸皮膚。毛竅閉塞。新陳代謝之廢物。向從兩處而去者。今則咸奔於肺。而肺因外邪刺激。亦正發炎。自顧不暇。何能勝任。然既不能兼代其勞。又不能止其廢物不來。於是愈積愈多。組織爲之腐敗。胸膈疼痛痰有腥臭者。癰將成之兆也。

嘔吐臭痰。腫瘍潰裂。膿外溢也。

音嘎。聲帶腐蝕則音嘎。

喘急。肺臟潰爛則喘急。

(治法)本症多爲感冒失治。或其他原因釀成。故當初起有寒熱者。速投麻杏石甘湯。桂枝去芍加葛根湯等方。發汗清肺。兼顧治之。若痰涎壅盛。不得去者。則宜皂莢丸。葶藶湯。葶藶大棗瀉肺湯等方。消痰化痰。兩清肺胃。如穢濁已去。肺氣不足者。可與內補黃芪湯。以收其功。

(調攝)患此症者。務須避風免勞。然又不可久居不通空氣之室內。如遇天氣清和之時。不妨散步於郊外田間。俾吸新鮮空氣。而受日光之益。飲食切忌葷膩辛辣之品。可用苡仁和米煮粥。再以陳芥菜爲餚。藕汁藕粉。亦可常食。

### 肺痿

張治河

(病原)本症原因。多爲津液消耗。或從汗出。或從嘔吐。或從消渴。小便利數。或從便難。又被快葯下利。重亡津液。肺失所養。轉枯轉燥。遂成斯症。

(病灶)本症病灶。初在肺臟。其後全身關節。亦漸乾枯。

(病狀)本症病狀。先覺咳嗽。常唾涎沫。咽喉乾燥。日久不愈。即增肢體痿軟等症。

(病理)咳嗽。肺少津液滋潤。不耐空氣刺激故也。

常唾痰沫。肺受熱灼。分泌亢進故也。津液愈少。則內熱愈熾。內熱愈熾。則分泌愈甚。則咳嗽愈甚。有不盡全體津液不止之勢。

咽喉乾燥。津液不足。喉頭粘膜發炎故也。

肢體痿軟 全體津液一爲內熱消耗。一爲肺臟吸去。關節失其濡養。故痿廢也。

(治法)本症治法宜平補肺。生津消炎清熱。如紫苑散。清燥救肺湯。增液湯。瓊玉膏。竹葉石羔湯等方。採擇用之可也。

(調攝)患此症者。切忌香燥之品。可以常食梨柿荸薺甘蔗葡萄香蕉。及牛乳鷄蛋白肉汁等物。以冀清熱生津。而佐葯力。更宜常在空氣新鮮之處。練習深呼吸法。既可藉其呼炭吸養。淘汰不良之質。又可擴張肺臟。促進細胞活動。俾痿縮之處。漸轉興奮。一舉數得。利莫大也。

### 疫病定論

盧育和

疫病乃天地厲氣。世人以傷寒目之。更以經言冬傷於寒。春必病溫之溫病混之。即如叔和所云。春應溫而反寒。夏應熱而反涼。秋應涼而反熱。冬應寒而反溫。得時之氣。長幼相似者。以爲溫疫。其說亦似是而非。吾嘗驗之。有時四序不惑。而民疫偏多。其或寒溫失令。而民疫偏少。雖曰寒暑不時。此指六氣之病。非指疫也。夫疫之病源不清。欲望其臨症處方。確中病情。必不能矣。今觀吳氏可雜氣之論。(見溫疫論書中)謂此氣無聲可求。無象可見。不在風寒暑溼之中。議論獨高千古。然持論雜氣之處。斷不可從。如指大麻風等一切諸症。盡爲雜氣。將使學者趨變失常。破律敗度。盡廢古人繩墨。害豈淺哉。今不得不爲定論。曰。凡長幼相似。而傳染者。疫病自不待言。若一人病。止救一人身之內外求之。內則七情。外則六淫之類是也。衆人病。而與疫症不相似。且不傳染者。於六氣之偏勝處求之。如熱勝多熱病。寒勝多寒病。溼淫

則受溼。酷暑則受暑之類是也。惟症與疫病相符。且求之六淫七情之中。而非其類。則不拘一人獨症。或衆人皆病。而總當以治疫法治之。

### 錄前哲疫病治案

盧育和

羅謙甫治中書右丞姚公茂。六旬有七。宿有痔毒。戊辰春。因酒再發。頭面腫痛。耳前後腫尤甚。胸中煩悶。咽喉不利。身半以下皆寒。足腫尤甚。由是以床相接作坑。身半以上臥於床。身半以下臥於坑。飲食減少。精神困倦。而體弱。請覆診之。脈浮數。按之弦細。上熱下寒明矣。內經云。熱甚則腫。又曰。春風者。病在頭。經曰。蓄則腫熱。疔射之也。遂於腫處約五十餘刺。其血紫黑。頃腫時痛消散。又於氣海艾灸百壯。（育按氣海穴。當臍下寸半。）助下焦陽虛。退其陰寒。次於足三里二穴。各灸三七壯。治足跗冷。亦引熱導氣下行之義。遂處一方。名既濟解毒湯。論曰。熱者寒之。然病有高下。治有遠近。無越其制度。以芩連苦寒酒炒。瀉其上熱。以爲君。甘結辛溫上升。佐諸苦藥以治其熱。升柴苦平味之薄者。發散上熱。以爲臣。連翹苦辛平以散結消腫。當歸辛溫利血止痛。酒煨大黃上行至巔。驅熱而下。以爲使。投劑後。腫消痛減。大便利。再服減大黃。不旬日而愈。朱煜洽於甲午冬。榻於某家。聞一老婦呻吟痛苦。徹夜不輟。曉問其故。云自河間來。於途中忽得此症。喘嗽汗瀉。昏昏無所知。便秘不行。已經月餘。主翁與伊夫皆謂其無生理。朱診之。其脈浮沉俱無。中按洪數。兩寸將絕。爲之苦思半夜。不能名爲何症。次日復診亦如之。又揣摩竟日。妄擬之曰。脈結於中。得母有何邪氣填塞胸膈耶。否則何絕食一月而不死也。遂放胆以枳榔爲君。洪數閉結非

寒可知。佐以清瀉之味。至三更二便通利。識人素食矣。

孔毓禮治一孕婦。疫病熱極胎墮。胎墮血行。而熱暫止。診其脈浮無根。汗注如雨。投補而汗敷脈和。五日又復身熱。孔不能辨。是血虛發熱。抑疫症發熱。只據脈弱用劑。連進十全大補。及八珍逍遙。忽發戰汗。面解。此分明是疫熱矣。若是血虛發熱。斷無汗解之理。而所投之劑。純是血虛之藥。可知補養氣血。有時不惟不滯固邪氣。反能托出邪氣也。

成化年新野疫厲。有鄰婦臥床數日。忽聞其家如殺羊聲。忽性視之。見數人用棉被覆其婦。床下置火一盆。令出汗。其婦面赤聲啞幾絕。因叱曰。急放手。不然死矣。衆猶不從。乃強拽去被。其婦躍起。倚壁坐口不能言。問曰。飲涼水否。頷之。與水一碗。一飲而盡。始能言。又索水。仍與之。飲畢汗出如洗。明日愈。或問其故。曰。彼發熱數日。且不飲食。腸中枯涸矣。以火蒸之。是速其死。何得有汗。今因其熱極。投之以水。所謂水火既濟。豈有不出汗之理。觀以火燃楛鼎。雖赤而氣不升。注之以水。則氣自來。遇此等症。不可不知。楊栗山於丁亥五月。治監生李廉臣女。年十八。患溫體厥脈厥。內熱外寒。痞滿燥實。詰語狂亂。煩躁渴飲。罵詈不避親疎。不食不飲。惡人與火。晝夜無甯刻。楊自端陽日診其病。至七月初三始識人。熱退七八。而思食自始至終。以解毒承氣湯一方。雪水熬石羔前服。約下三百餘行。黑白稠粘等物。愈下愈多。不可測識。此真奇症怪症也。廉臣曰。若非此兄見真守定。通權達變。小女何以再生。

戊子秋舉人李煦南長公。約年十五。患溫脈沉伏。妄見妄言。如醉如痴。渴飲無度。以加味涼膈散。連下數

次而甦。

又甥年二十一。患溫。初病便煩滿。囊縮。登高棄衣。渴飲不食。日吐血數十口。楊用犀角地黃湯。加柴芩連。梔元參荊芥炭。十劑。間服瀉心承氣湯。七劑。諸症退而飲食進。越五日。小便不通。脹疼欲死。楊細診。脉仍沉。臍間按之勁痛。思此症由土實氣閉不舒。因而小水不利也。以大承氣湯。下黑血塊數枚。而病始痊。此皆症之罕見者也。可見凡下不以數計。有是證。即投是藥。然此等證。治實不多見。姑存以備參考。

按先哲疫病治案甚多。今僅錄數。則不過表明瘟疫之見證。光怪陸離。非尋常六淫外感可比。至立方亦隨機應變。活潑潑地。諸案固尚可傳。尙希海內時賢。加以評議。庶克盡善盡美。純粹無疵矣。育利附白。

疫症集方

盧育和

托斑奇驗方 治溫病斑疹隱而不透。或身出而頭面不出者。此毒氣內歸危候也

急以大蟾 一個搗和新汲水去渣飲之。自出屢驗。

若溫病有久而甚者。煩躁昏沉。祇用蟾蜍心二三個。搗和水飲一二次。

此方定心安神。能使病退。勿以微而忽之。

妊娠溫病護胎方

井底泥 塗臍至關元乾再易之。

又方

伏龍肝(即灶心土)青黛爲末水調塗之。

撥正散專治雜氣爲病陰陽毒痧脹及一切無名惡症並治食厥氣厥痰厥皆驗

葶撥二錢 辛熱能除陰寒 雄黃二錢解毒行滯

火硝一錢 精銳利行 麝香五錢大開關竅 冰片五厘解散炎蒸

右爲細末男左女右以筒吹入鼻孔中即甦。

育按此方並能內服。每用數厘。多至分許。置於舌上。以溫開水送下。

消毒丸 治時疫 惡症

大黃 牡蠣煨 天虫炒各一兩爲末密丸。彈子大。新汲水化下一丸。

人中黃散 治疔瘡癰。發塊如癰。遍身流走。旦發夕死。

辰砂 明雄精各一錢五分 人中黃一兩爲末。薄荷桔梗湯下。二錢日夜數服

### 葡萄疫之研究

張澤霖  
丁叔康

(釋名)疫毒發斑。形色俱似葡萄。故名葡萄疫。

(症狀)初起身有微熱。頭暈惡寒。十小時或二十四小時後。覺肢體疼痛。遍身發現紅斑。先隱於肌肉之



間。繼漸透於皮膚之上。色爲青紫。大小不勻。斑點均有。並無痛癢。尤腿脛各部爲最多。心煩嘔逆。目赤溺澀。甚則牙齦腐爛。咽痛舌糜。口臭冲人。血涎流出。若氣粗神昏。手足搐搦。則病勢險要。治多棘手矣。

(病理)是症以小兒感染者居多。良由年幼之孩童。體屬純陽。氣陰薄弱。抵抗力不足。疫癘之邪。最易侵犯。由口鼻吸入肺胃兩經。肺主皮毛。胃主肌肉。毒菌混伏血分。則血液不潔。得熱而沸騰。乃藉肌膚爲透發之地。於是斑點由隱而現。色紅青紫。血濁熱鬱之象也。若熱擾神明則煩。邪侵胃腑而誘起嘔吐。牙齦屬胃。火毒上冲。故齒齦腐爛。胃開竅於口。而口內咽舌局部亦疼痛矣。設邪熱不解。心營受病。腦神經被熱毒薰蒸。而發生昏厥譫語。厥陰肝木風動而抽搐。久之津液耗灼殆盡。陰陽邪盛。正不能支。危險堪虞。此病在中期治愈爲最佳。若至末期。恐難十全矣。如正氣尙足。猶可敵邪。若素稟不足之兒。則無能爲力也。

(療法)初期斑隱未現。邪毒未盛。脈浮數。舌絳苔白。即當用芳香辛涼劑。以逐穢濁之氣外出。肌表一疏。汗液排泄。邪熱自解。若斑現牙齦微腐。宜寒涼清胃劑加血分藥。如齒齦大渴。口舌糜爛。脈洪數苔黃。煩燥不已。急用化斑湯法。大便秘結。腹部痛脹。可與黃連解毒湯。加大黃蘆薈。以導熱毒由腑下行。或加涼血清宮之品。若神糊譫妄。手足蠕動。暈中受病。勢至險態。速以紫雪丹或牛黃丸灌之。處方用清宮湯加羚羊丹皮等。治若稍遲。即昏厥不省人事而危篤矣。

本病善後。如陰未大傷者。不過解毒涼血。清其餘邪而已。若陰傷液少。則當育陰養液。尤須顧慮虛脫。

注重調攝。

(方藥) 1 芳香辛涼劑 銀花 連翹 桑菊 梔豉 蘇荷 荆芥 牛蒡

2 寒涼清胃劑 知母 黃芩 生地 麥冬 花粉 蘆根 竹葉

3 清血涼血藥 丹皮 紫草 赤芍 蒲黃 藕 側柏葉

4 外治牙齦藥 1 珠黃散 2 綠袍散 3 五倍子 人中白 煅研加冰片 4 龍骨血竭末

其他化斑黃連解毒清營等湯。俱見方書。故從略。紫雪牛黃。各大藥肆均有。

(驗案) 本病之症狀原理治療。已如上述。無徵不信。今錄臨床驗案一則。以當殿言。盧氏子。年九齡。於五月間。患此症。牙齦已腐。躁擾不安。醫均莫識其病。議論紛紛。余適出席國醫公會。回。急請往診。至則滿堂躋躋。皆屬同道。且有西醫數人。茫為注射。見余均起立歡迎。於是往病房診察。見病者神昏譫妄。週身紫斑。按脈絃細而數。舌赤津少。營陰已傷。因謂羣醫曰。此葡萄疫也。病得之邪毒在胃。冲犯心營。勢頗險惡。然施適當治療。尚可恢復。乃觀前醫所進之方。寒溫雜用。或補或攻。幸未誤服大辛大熱。否則陰液被灼殆盡。挽救無術矣。衆醫咸服。為處犀角地黃湯。清營熱而解血液之毒。加玄參知貝母麥冬花粉養陰救津。翹芩甘中黃雅連殺毒瀉胃。另調灌紫雪丹三分。翌晨其家人來邀覆診。謂昨藥服後。至夜半神識稍清。讖語亦寤。今早五時原方又進一劑。此刻已能呼娘索茶。問之亦應。余隨而往。至榻前。病者目顧余笑。口稱先生來耶。按脈仍形細數。苔色焦黃。惟津液已充。斑漸轉淡。因謂乃

父曰。病邪雖見退象。然牙血未止。胃熱尙盛。不可樂觀。恐再神昏譫語。當急清胃經之火。爰照昨方去犀角。加蘆薈三錢。服後五小時。大便排出穢惡之糞甚多。臭氣異常。齒血已止。在未大便前。尙有譫妄。現則完全神清氣爽。續處瀉藥。肅邪養胃育陰之劑。諸恙向安。調理十餘日。恢復如常。

### 霍亂常識

沈仲圭

(甲)原因 爲可買菌侵入小腸所致。其侵入之媒介物。爲水魚類蔬菜。而蒼蠅尤爲利器。可買菌入胃。胃液中之鹽酸。不能殺滅之。其所以爲病者。多因胃液分泌減少之故。胃液分泌何以減少。則以飲食過量。姿啖生冷。機能發生障礙耳。昔美國醫師爾立乏司氏。於天氣清明之日。謂學生曰。「余今日身體甚健。可飲霍亂菌。以行實驗。乃飲培養液一小杯。翌日。僅瀉三次。健旺如常。」觀此。可知身心健全。抵抗力充足時。雖有可買菌潛入胃腸。不能爲病也。

(乙)病狀 前驅症爲輕度泄瀉。腹鳴口渴。食慾不進。倦怠疲勞。一二日後。乃發霍亂症狀。每日數十回之上。劇烈之嘔吐。腹痛。大便始呈胆汁色。繼如米泔汁。同時疲勞眩暈。心悸亢進。又因血液失去多量之水分。循環不良。致口渴尿少。眼凹脈微。四肢厥冷。皮膚乾癢。體溫下降。腓筋攣縮。

(丙)診斷 本病初起與急性胃腸炎。無甚差別。此時欲辨真僞。極爲困難。惟吐瀉稍久。則真性霍亂之糞便。形如米泔。以顯微鏡視之。可見其中有無數之可買菌。及腸之上皮。又真性霍亂至此程度。腹反不痛。亦足爲診察上有力之證據也。

(丁)治療 霍亂爲急性傳染病之一。死亡之速。(發病後約一晝夜即死)傳染之廣。言之令人色變。惟治之中肯。則病來雖暴。病去亦速。爰將有效中方。介紹於次。

(一) 聖濟附子丸——治霍亂初起。上吐下瀉瀉如米泔。

生附子一錢 (預防心蕩衰弱) 乾姜 黃連各錢半 (吐未止) 烏梅二錢 (殺虫)

水煎服

(二) 仲景四逆湯——治霍亂危症。脈搏微細。四肢厥冷。汗出如漿。

生附塊三錢 (強心) 干姜三錢 (止吐利) 炙甘草二錢 水煎服 (調和藥)

(三) 仲景理中湯——治霍亂愈後。體疲胃呆。

西洋參三錢 (健胃) 白朮二錢 (利尿) 生姜三斤 (健胃) 炙甘草一錢 (調和葯) 水煎服

(戊)攝生 霍亂病中。宜絕對斷食。雖稀飯湯。亦不許入腹。蓋腸胃消化吸收兩種機能。此時完全停止。所食之物。不但無補於身體。反爲病菌良好之培養料也。惟恢復時期。輕軟流動之物。不妨稍稍與之。而苡米粥尤佳。以苡米爲禾本利中最滋養而易消化之穀類植物。並有利尿之効。可免霍亂後腎臟炎之發生耳。

(已)預防霍亂流行時。宜(一)化驗飲料水。有無可買菌存在。(二)努力撲滅蒼蠅。以杜傳染之途徑。(三)清潔公廁。毋使蠅之幼虫發生。(四)注射霍亂漿苗。增加人體抵抗力。然此屬國家衛生行政範圍。非一般人所能舉辦。至個人衛生。可得言者。約有四端如下。

(一)五穀蔬菜。清輕易化。在腸胃機能比較衰減之夏日。尤宜素食。

(二)凡未經煮沸之飲料食品。切勿入口。

(三)夜臥宜以絨毯加身。勿使胸腹受寒。(恐感冒風寒。引起腸炎也。)

(四)霍亂病人用過之食器。未經消毒。不得再用。

昔葛維川曰「凡所以得霍亂者。多起於飲食多食。生冷雜物。肥膩酒膾。或當風履濕。溫涼不調。」是言簡明切要。吾人遵此以行。彼可買菌自無侵襲之機會矣。



### 瘍科

瘍科學 續六十期專著門許氏原本印氏錄存

#### 第五款 唇口部

一唇口部之一班病理。一唇本脾之外候。口又為脾之竅。故唇口為病。皆出於脾。然足陽明胃經之脈。亦

挾口環唇。蓋五味入口。藏於脾胃爲之運化津液。以長元神。如食入不消。而成食積。積生內熱。熱氣上薰。而傷於唇口矣。

二唇口部各病之臨床診斷及其療治大概。凡唇紅者主煩燥渴飲。唇燥裂者是脾熱唇白者主吐瀉嘔逆諸失血症。唇黃者主脾受肌熱。唇青者主血虛脾寒。唇黑者凶。口甜是肝熱脾溼。胃有痰滯。口痰是胃熱。口鹹是腎水上泛。腎熱。口酸是肝熱。口乾是脾熱。口辛是肺熱。口臭是胃熱。口苦是心熱。或胆熱。治法內服清利脾胃降火滲濕之劑。引熱下行。外宜楷淨患口。敷清涼解毒之藥。推陳致新以生肌肉。此其大略也。

### 三唇口部各病之地位症狀原因及療治處方

- 1 反唇疔——生于唇稜偏裏。初起形如粟米。色紫紅堅硬如鐵。麻癢木痛。寒熱交作煩悶作嘔。甚則合唇外翻。由脾胃心三焦火毒而成。療法處方按腓局部疔瘡治之。
- 2 鎖口疔——生于唇角口。不能開原因。症狀療治處方同上。
- 3 唇疽——生于上下唇。由脾胃積熱所致。大者如李。小者如棗。色紫有頭。神授衛生湯主之。神授衛生湯見上腫瘍。
- 4 繭唇——嘴唇發腫。初如豆粒。漸大如蠶繭狀。色赤作痛。此脾經火氣上乘。於此飲食妨礙。或破流血。久則難治。宜早內消。服清脾抑火湯。引熱邪下行。從大小便滲洩以去火毒。腫處敷金黃散加冰片。

少許。芭蕉根汁調。已潰用冷茶洗淨抹紫芝丹。

清熱抑火湯 川連 陳皮 連翹 桔梗 丹皮 石膏 木通 元參

生地 山梔 甘草 白芍

紫芝丹金黃散俱見下製藥法

5 唇風——多生於下。由陽明胃經風火凝結而成。初起發癢。色紅作痛。日久破裂流水。痛如火燎。又似死皮如風。動。內服雙解通聖散。外抹黃連膏。

雙解通聖散 防風 荊芥 當歸 白芍 連翹 白朮 川芎 薄荷

麻黃 梔子 黃連 石膏 桔梗 甘草 滑石

黃連散見下製藥法

6 狐惑瘡——生於唇上。時愈時作。年月不已。面色痿黃。唇色紫。腹中常痛。倦怠喜臥。症因疳積蟲傷所致。蟲食其臟。則生上唇。虫食其肛則生下唇。失治必死。內服雄黃化愚丸。外敷柳花散。

雄黃化愚丸 雄黃 蘆薈 乾漆 貫仲 雷丸紅藍色者不用

石榴根皮照上為末。冬米粉為丸。如赤豆大。糖湯空心下。分量隨人強弱。大便下蟲為妙。起服一錢。

柳花散見下製藥法

第六十三難 瘰癧科

六〇

7 口瘡——此症有虛火實火之分。虛火者色淡紅。滿口白斑微點。甚則顯露龜紋。肺虛不渴。因思慮太過。多醒少睡。以致心腎不交。虛火上炎。宜服四物湯。加黃柏知母丹皮稍佐肉桂。以爲引導實火者色艷紅。滿口斑爛。甚則腮舌俱腫。脈實口乾。因過食膏果厚味。醇酒炙煿。以致心脾實火妄動。宜服

凍臚散。外擦柳花散。  
凍臚散見西醫柳花散見下製藥法

8 鵝口瘡——一名雪口。由心脾二經胎熱上攻所致。滿口白斑雪片。甚則咽間疊疊腫起。致難乳哺。嘔時必多啼叫。攪去白屑。吹冰硼散。內服清脾抑火湯。

9 七星疳——過歲小兒未出牙者。易患此症。生上顎潭窩之中。起黃癰點。點如星痛。痛甚不乳。以銀針細細出。但不可重抹紫芝丹擦之。

10 馬牙疳——在牙肉上下內外。白星如粟。牙痛難開。亦用銀針破浮皮。擠出白物似粉如蟲。楷淨次紫芝丹。

11 口瘡——亦生牙肉。狀如黃豆。痛不能吸乳。亦挑出黃物。抹紫芝丹。三症治法相同。但七馬星牙毒輕。宜輕挑不可出血。口瘡毒重。宜重挑出血。以洩火毒。三症皆宜服犀角解毒丸。乳母宜忌辛辣之物。

犀角解毒丸 烏犀角 大生地 防風 川黃連 全當歸 荊芥穗各一兩  
連翹壳 赤芍藥 白桔梗 大力子 黃芩各七錢 薄荷葉 甘草各五錢



共研細末煉白蜜爲丸每重一錢五分月內嬰兒每服半九月外至五六歲者一丸  
燈草煎湯送下。

紫芝丹見下藥製法

12 口糜——經云。少陽之復。大熱將至。火氣內發。上爲口糜。又曰膀胱移於小腸。鬲腸不便。上爲口糜。是以口糜爲症。皆由陽旺陰虛膀胱濕水泛溢。脾經濕熱瘀鬱。久則化爲熱。熱氣薰蒸胃口。以致滿口糜爛。甚於口瘡。色紅作痛。甚則連及咽喉。不能飲食。初起宜導赤湯。口臭瀉泄。脾虛濕勝者宜連理湯。糜爛延及咽喉日輕夜重者。宜少陰甘桔湯。便秘者。宜涼膈散。脾元中氣不足。不能按納下焦陰火而致者。宜附子理中湯。俱以紫芝丹擦之。

導赤湯 木通 生地 甘草 竹葉

加味連理 白朮 人參 白茯苓 黃連 乾姜 炙草

少陰甘芝湯 桔梗 甘草 川芎 黃芩 陳皮 元參 柴胡 羌活 升麻

附子理中湯 附子 乾姜 白朮 人參 炙草

涼膈散見上面部面發毒紫芝丹見下製藥法

增訂脚氣芻言

周小農

脚氣忌鹹脚氣證辨要

西醫謂此症多有電毒。故其發甚暴。信是則不能用針。即銀針亦不宜投。恐其發電。千金方亦云。服藥及灸。二者不可間斷。未嘗及鍼也。曾見因針而殞命者甚多。有癢甚者。或以砭刺較。不傳毒。(鎮按榮西林君二子。均以脚氣死。其病時。惟獨針治不輟也。

脚氣犯房室者死。新增有妻室者。宜禁入房。犯之則死。

已未秋。張敬康患脚氣上逆。全身痿廢。寒熱兩旬。嘔吐日念次。進鷄鳴散。金鈴子散。左金丸。玉樞丹。四磨飲等。出入為方。熱退嘔止。數日後。忽欲食魚。禁之。乃自進肉食。屢次誥誡。切忌房事。其母以室小。難以分牀為辭。竟於熱退嘔止轉機時間。猝然而死。

脚氣宜畏慎速治新增

古云恐怖則氣下。西醫惟云米毒。患者食麪茹葷。毫不知險。榮南森之堂昆某君。在恒康鐵業。足腫。一夜作痛。驟成足痿。來治述及。目見其同事孫某足腫。在店飲食如常。忽面浮氣逆。煩躁。店中欲送之回家。已不及。一夜即死。已未桂月中院。新聞報載某甲病足腫。在路喚車就醫。倉卒氣逆仆地死。報廡相驗。脚氣之卒死如此。為患者寒心。

### 增訂脚氣芻言驗方

周鎮

加減金鈴子散醫通 一治脚氣衝心。火氣上逆。

金鈴子 元胡 小茴 酒炒黃柏

加味平胃散醫通 治脚氣嘔逆。惡心畏食。

蒼朮 川朴 陳皮 生甘草 木香 大便秘加製軍

犀角旋覆花湯千金 治脚氣入腹。腫滿喘急。

犀角 旋覆花 橘皮 茯苓 香豉 紫蘇 棗

沉香導氣湯 治脚氣入腹。衝心疼痛。腫滿。

羌活 赤芍 枳櫛 甘草 撫芎 香附 只殼 蘇梗子 木瓜 生姜 沉香末

脚氣衝心悶亂廣利方枳櫛末二錢研細空心開水送下。

脚氣薤仁散錄赤水元珠 治脚氣脾腫。心下急便秘。

防風已 川芎 薤仁 猪苓 郁李仁 火麻仁 枳櫛 枳實 羚羊角 生甘草 桑白皮

丹溪防已飲 治脚氣憎寒壯熱

二朮 木通 防已 枳櫛 川芎 生甘草稍 犀角 鮮生地 黃柏 便秘加桃仁

內熱加黃連 壯熱加石膏 有痰加竹瀝

四磨飲 氣上逆氣升

沉香 烏藥 枳櫛 枳實

烏麝散永類鈴方平脚氣嘔吐

烏藥不犯鐵器刮末一錢麝香二厘研細黎明空心服溏泄即愈

脚氣上衝外敷足心方 外臺

蓖麻子仁去殼 四十九粒 蘇合香丸一丸。研和密水調塗兩足心。以膏藥貼之。

又方

生附子末一兩五錢乾麪 醋調兩足心湧泉穴。

威靈仙丸 治脚氣入腹。脹悶喘急。孫兆名放杖丸。

威靈仙二兩爲末密丸。如桐子大。酒下八十丸。利出惡物。如青膿桃膠爲驗。商州人足不履地者十年。新羅僧以威靈仙末日服。數日能步。

增訂脚氣芻言叙

周鎮

會心壺先生脚氣芻言一書。昔年旅滬時所得。以真辨證明晰。多資借鑑。顧粵中醫籍甚少。衝心難治之症。列方尙缺。生死關頭。詎容恣置。迺一展古籍。脚氣衝心之治法。燦然具備有此經驗。立意與病奮鬥。蘇掇什之一二。已有生全者。不敢以一得自秘。援互助之新理。增編數方。將古人之經驗傳遞下去。後賢遇症之逆者。爲之死裏求生。不獨愈於束手無策乎。至濕毒滋蔓。絡隧癱痺。縱緩似痿。勢重可瘳。拙案俱在。茲姑從略。

醫藥鱗爪

沈仲圭

門人蕭熙。嘗病遺精。以芡實米仁常服而愈。蓋以前者之止瀉。收攝精管。後者之利水。舒緩膀胱。（膀胱尿液充盈。壓迫精囊。每致夢遺。）盡見醫藥新聞報載滑精方。用芡實車前二味。用意相同。當亦有驗。方為費志清所傳。費亦余門下士也。

遺精外治法。側睡屈左足。右手置右頰下。左手墊右肘下。如向左侧睡。其姿勢適與上述相反。據云。此法係達摩遺傳弟子保精學道工夫。行者多效。至本病內服方。以桂枝加龍牡湯為最佳。（還久體虛。長服此方。兼以斷慾。無不愈者。）

本帥載『梁莊肅公血痢。陳應之用胡黃連。灶心土。烏梅。等分為末。茶調服而愈。』查烏梅。灶心土。為溫性收斂藥。黃連。茶葉。為涼性收斂藥。配合為方。有止血。止利。鎮嘔之特長。血痢久痢。洵全合拍。東人多紀桂山曰。『俗所傳奇方。多出於本帥附方。』觀於此而益信其言之非妄也。

白頭翁湯治赤痢身熱口渴也。皇漢醫學引方輿輓之言曰。痢熱非白虎所能治。而連柏白頭翁能治之。一也。痢下純血。腸壁腫且潰矣。不能再行攻下。惟消炎止血。方合病機。方中黃連白頭翁秦皮皆消炎性收斂藥。二也。從藥効推勘病理。可知本方之治赤痢熱渴。無疑義矣。

丁譯普通藥物學教科書曰。『嘗有漢方醫勸余曰。漢藥總不可為愚。腸加答兒或赤痢以檳榔子及木香各一錢五分。以一合半水煎。至一合而用之。則著卓効。』查檳榔能刺激迷走神經。使腸之蠕動迅速。木香為苦味健胃藥。和漢藥物學謂治腸加答兒。去裏急後重。是二藥者。中醫治痢。固恒用之。惜多屬雜

他品。效果不顯。茲爲表而出之。亦一家用良方也。（按此方治赤痢初起或裏急後重特甚者有效。）  
檳榔不但爲痢疾要藥。又能殺條虫。法於服藥之前夜。斷食一餐。使虫困憊。明晨亟煮檳榔紅棗湯飲之。  
服後三小時。再繼以下劑。則死虫隨糞而出矣。

仲景大黃黃連瀉心湯。原治傷寒心下痞。然設重用大黃以去實。稍佐黃連以消炎。移治食積。亦良效。  
用三承氣之標準。按余意。中焦痞滿。下焦燥結者。宜大承氣湯。中焦痞滿。下焦燥結不甚者。宜小承氣湯。  
無痞滿。但有燥結者。宜調胃承氣湯。蓋三承氣皆爲下劑。其効專在大黃。枳朴之去滿。爲痞悶而設也。芒  
硝之軟堅。佐大黃以推蕩燥矢也。（芒硝乃鹽類下藥。只能軟化堅糞。無亢進蠕動之力。）

論語公冶長宰予晝寢。孔子責之曰。『朽木不可雕也。糞土之牆不可朽也。』夫飯後小睡。至合衛生。孔  
子博學多能。卅種普通語。自無不知。何至一見弟子晝寢。遽出不合學理之言。或云「晝」字爲「晝」  
字之誤。是矣。寢室四壁。繪以花鳥。奢華之習。豈學子所宜沾染。按清鈕錕觚臚引禮「諸侯晝寢」之文。  
則知中古王公貴人。盛行「晝寢」之風。而宰予以一介寒儒。從而効之。宜乎見斥於聖人也。

薄荷乃麻醉藥。有麻醉大腦。消失痛感之能。凡齒痛。胃痛。疝痛。偏頭痛。治以薄荷腦或薄荷煎劑。收効甚  
確。本艸備要曰。『薄荷。貓之酒也。犬。虎之酒也。蜈蚣。鷄之酒也。桑椹。鳩之酒也。莽草。魚之酒也。食之皆醉。  
』玩貓食則醉一語。足證本品有麻醉作用。不獨貓也。即其他動物及人類。服其大量。亦必昏沉如醉。惟  
用小量。能放大毛細血管。促進汗液分泌。故市醫解表方中。頗借重之。



醫案平議

張山雷

又同卷 王月鋤令媳。於廟見時忽目偏左視。揚手妄言。諸親駭然。詰其婢媵。素無此恙。速孟英視之。脈弦滑而微數。苔黃膩悶。蓋時雖春暮。天氣酷熱。兼以勞則火升。挾其素患之痰。而使然也。與犀、羚、梔、翹、元參、薄荷、花粉、礞石滾痰丸。三服而痰下神清。改投清養遂愈。次年即誕子。

(平議) 此雖非溫熱病。然痰熱互阻。上冲腦經。而為昏瞶譫妄。則其理一也。附錄之。可悟異病同源。異病同治之法。

又二集四卷 李竹虛令郎。初秋患感。醫聞便溏而止之。乃至目赤譫妄。舌絳苔黃。洩澀弄嘔。粒米不能下咽。孟英先與犀角、石膏、竹葉、竹茹、枇杷葉、茅根、知母、花粉、梔子。以清之。嘔止神清。熱亦漸緩。繼以承氣湯加減。三下黑矢。黃苔始退。即能啜粥。以其右關尺遲緩有力。故知有燥矢也。續投甘涼。調理而痊。

(平議) 先以便溏而投止澀。則所服之藥可知。故變證如此。脈雖遲緩。而應指有力。固可為燥矢之證。然亦必問而知之。况此證先有善嘔。必升多降少。大便數日不行矣。

又同卷 朱養之令弟媳。初患目赤。服藥後。漸至滿面紅腫。壯熱神昏。醫者束手。孟英切脈洪實滑數。舌

綿大湯。腹微脹。以酒洗大黃、犀角、元參、滑石、甘草、知母、花粉、銀花、黃芩、連翹、薄荷、菊花、丹皮、兩下之始愈。

（平議）脈證如是。陽明經府實熱。顯然共知。以有面腫。故用菊花薄荷。輕揚清上。然宜絡化痰。不可缺也。擬參用象貝杏仁枳實之類。

又同卷 姚令與室。素患喘嗽。而病春溫。醫知其本元久虧。投以溫補。痙厥神昏。耳聾譫語。面青舌絳。痰喘不眠。皆束手矣。延孟英診之。脈猶弦滑。曰證雖危險。生機未絕。遽而輕棄。毋乃太忍。與犀角、羚羊、玄參、沙參、知母、花粉、石膏。以清熱息風。救陰生液。佐菴蓉、石英、鼈甲、金鈴、旋覆、貝母、竹瀝。以潛陽鎮逆。通絡調痰。三劑而平。繼去犀角、石膏。加生地黃。服旬日而愈。

（平議）平素喘嗽。本已陰虛於下。腎氣不藏。感受春溫。腎陽更易外浮。腎陰更易泛濫。復與溫補。助其炎上。那不痙厥昏迷。譫聾不寐。為痰為喘。宿病新病。并作一家。所幸舌絳脈弦。猶為實火。故惟大劑清熱。則可以熄風。柔潤救陰。則可以生液。而陽升無制。痰壅喘逆。則又重鎮潛降。開泄官絡。缺一不可。迨至大勢一平。乃復參合滋填。以培真陰之本。此案之所以異於前數條者。前之舌苔多膩。則痰藥宜重。星夏礞石不嫌其悍。此則祇言舌絳。是紅滑不膩可知。雖痰壅真喘。見證或較前數案尤甚。然彼為肺胃壅塞。此為腎水上溢。痰壅同而來源不同。用藥即大有涇渭。孟英斟酌虛實。進退損益。具有絲毫不能相混者在。此學子之所當潛心體會者也。

又同卷 許少卿室。故醫陳啟東先生之從女也。夏初患感。何新之十進消解。病不略減。因邀診於孟英。



脈至弦洪豁大。左手爲尤。大渴大汗。能食妄言。面赤足冷。徹夜不眠。孟英曰。證雖屬溫。而真陰素虧。久傷思慮。心陽外越。內風驕張。幸遇明手。未投溫散。尙可無恐。與龍牡、犀珠、龜板、鼈甲、貝母、竹瀝、竹葉、辰砂、小麥、元參、丹參、生地、麥冬。爲大劑投之。外以燒鐵滲醋。令吸其氣。撲牡蠣粉以止其汗。搗生附子。貼於湧泉穴。甫服一劑。所親荐胡某往視。大斥王議爲非。而主透疹之法。病家惑之。卽煎胡藥進焉。病者神氣昏瞶。忽見世父叔東。扼其喉。使藥不能下噎。且囑云。宜服王先生藥。少卿聞之大駭。專服王藥。漸以向愈。而陰不易復。頻灌甘柔滋鎮。月餘始能起榻。季夏汎行。惟清志不怡。易生驚恐。與麥、參、熟、石、英、茯、神、龍、眼、甘、麥、大、棗、三、甲、等、藥、善、其、後。秋、杪、歸、寧。微、吸、客、邪。寒、熱、如、癘。孟、英、投、以、清、解。已、得、向、安。胡、某、聞、之。復、於、所、新、處。云。此、證、實、由、夏、間、治、法、不、善。以、致、邪、氣、留、戀。再、服、清、涼。必、死、無、疑。湯、某、復、從、而、和、之。許、氏、卽、召、湯、某、診、治。謂、其、陽、氣、傷、殘。沉、寒、久、伏。以、理、中、湯、加、威、靈、仙、桂、枝、半、夏、厚、朴、姜、棗、等、藥。病、者、頗、疑、藥、太、燥、烈。湯、復、說、得。天、花、亂、墜。病、家、惑、之。初、服、胃、氣、倍、加。繼、而、痰、嗽、不、饑。黃、苔、滿、布。肌、消、汎、斷。內、熱、汗、多。心、悸、不、眠。臥、榻、不、起。病、者、堅、卻、其、藥。然、已、進、二、十、劑、矣。再、邀、何、新、之、商、之。亦、難、措、手。仍、囑、其、求、診、於、孟、英。按、脈、弦、細、軟、數。縱、有、神、丹。不、可、救、藥、矣。

（平議）此真陰久虛之體。一感溫熱。而虛陽盡浮於上。本實先撥。脈證皆已脫根。病情危迫。故惟以大劑滋填收攝。庶幾精氣神得以反歸故宅。未曾誤於溫散。而見證猶如是之劇。設遇庸手。稍稍解表。則得微汗而脫。即隨之矣。從可知溫症誤表。始無不僨事於不知不覺之中者。市醫又何能夢見及此。

猶謂當用透疹之法。程度不齊。彼此霄壤。那不可嘆。主謂昏瞶中。忽見鬼扼其吭。說者或疑爲妄。取徵於鬼。未免等於左氏之浮誇。抑至病在元氣散亡之時。神魂離舍。固是事之所必有。且本屬一氣之誼。當自有臨之在上。質之在旁者。思之思之。鬼神通之。那得不盡其呵護之職。正可使庸俗冒昧之徒。自知學問未到。方且爲鬼物所不容。或尙能有所警覺。而稱知戒懼。是亦一則醒世格言。不當斥爲荒誕。至於調理之後。汎事已行。而猶多怒多恐。仍是真陰未復。心腎交虛。總之根本之傷。已非草根本實。所能補到。端皇以上之天。縱令大劑滋填。亦祇人事之不可不盡。其秋秒復感。安知非久虛未復之變幻。彼不操刀而殺人者。不過速其敗亡耳。願竊謂即請孟英一手栽培。或亦未必無意外交象。賴有替人代之受過。而孟英無求全之毀。亦何必非孟英之幸。否則爲德不卒。縱有幹旋之手。必無起死之方。轉無以間執讒慝之口矣。惟胡湯二氏所說。則謬妄已極。亦無可議價值。理中加味。不倫不類。請以一人之氏冠之。名曰胡塗湯。懸之國門。以昭炯戒。可乎。弦細非輒。必傳寫誤。

又二卷六集 王一峰次郎患瘧。多服姜棗溫散之藥。因致壯熱耳聾。謔語遺尿。不寢昏狂。見人欲齧。顧聽泉從伏暑治亦不效。延之初冬。吳愛棠囑其求診於孟英。按脈皆滑。即以顧疏犀角等葯。內加菖蒲、胆星、竹瀝、珍珠、牛黃爲劑。吞白金丸。一服即減。旬日霍然。繼其令堂發熱善嘔。頻吐黏沫。頭疼如劈。口苦耳聾。神識昏瞶。脈弦而數。乃伏暑挾內風之鴟張。與犀角、元參、竹茹、花粉、知母、連翹、芩、斛、梔、菊、雪羹等藥。七日而瘳。

(平議)二者為痰為熱。證固相近。方亦類似。惟珠黃二者。不入煎劑。徐洄溪已屢言之。何以孟英尙欲效尤。則頤之不敢阿其所好者矣。

姚嘯崗醫案 (續)

張蘊石

虛損

魯左久欬音啞。肺腎金水兩傷。發吐白沫。夜寢少酣。近日飯食較前不甚甘美。胃氣有傾倒之象。當此火令而得弦數之脈。所謂未至而至。內外交逼。一水何堪。夏月或可支持。入秋必難倖免。

生洋參 元參心 白扁豆 欵冬花 辰茯神 生穀芽 麥冬肉

北沙參 野百合 毛燕窩 生甘草 枇杷葉

江左欬久頻吐白沫。此沫從肺而來。試觀豬肺中。亦有此沫。肺之呼吸。實賴於是。經有欬白血之明文。即指此沫而言。比之吐血。凶險百倍。最惡六部弦數。兩顴排紅。水將涸而陰火已升。立春在望。恐防驟變。

生洋參 毛燕窩 糯稻根 連鬚 女貞子 大紅棗 白木耳 野百合

枇杷葉 元參心

秦右始則遺精。繼則吐血。血止時吐白沫。今則大便洩瀉。已經半月。下損及上。上損及中。不治之症也。胃納雖佳。究不足恃。

北沙參 野於朮 茯神苓 炙甘草 淮山藥 白扁豆 大紅棗

野百合 冬花葉

周左勞則汗出。衛氣虛也。大便不結。脾陽弱也。腹病肝橫而有寒也。此亦虛損見象。今人必以欬嗽吐血。乃為虛損。殆未讀經文之過歟。

綿黃芪 東白芍 上肉桂 炙甘草 龍骨 左牡蠣 野於朮

黨參 茯苓 廣陳皮 煨生姜 煨紅棗

吳右傷風欬嗽。延久不愈。形體漸漸消瘦。癸水四月未來。復脹納穀不馨。脈絃。自認乾血癆症。何所見之確歟。仿仲景大黃廩虫丸加減。能否應手。亦難必也。但不可總總過慮。怡暢為上。

酒大黃 酒炙廩虫 桃仁泥 粉當歸連鬚 白赤芍 粉甘草 乳沒藥

北柴胡 薄荷梗 大生地 台人參 提取長流水。揚之萬遍。然後煎藥。

馬左虛損必以中氣健旺。能食便堅為佳。今上則欬嗽吐血。下則遺精便血。中則胃呆納少。肺脾腎三經皆病。治上治下無益。治中為是。蓋土為萬物之母也。

北沙參 茯神苓 野於朮 煨紅棗 橘白 生熟艸 白扁豆

炒穀芽 代赭石 旋覆花

趙左肝腎陰虛。水不濟火。火性上炎。刑金則欬。欬久。肺之氣體皆傷。最惡夜吐白沫。不能右臥。日晡火升。轟熱。兩脇疼痛。且有嘔嘔之聲。此氣火衝激使然也。總之惟壯水可以熄火。今胃納日呆。而滋膩陰藥。何

敢遽投。冬至大節。瞬屆。必須靜默寡言。冀其火自潛下。至囑至囑。

野百合 炙冬花 白 茂 代赭石 旋覆花布包 眞猩猩 白茯苓

新會皮 甜冬朮 生熟草 京川貝 青龍齒 左牡蠣 元參心

香穀芽煎湯代水 北沙參 另批把藥二一味代茶

毛燕窩

仲腎虛則火旺。脾虛則肝橫。遺精頭眩。心岩失寢。火爲之也。胸滿腹痛。納少便洩。肝爲之也。欲滋其腎。恐碍其脾。欲強其脾。恐助其火。治宜錯合變化。庶有當於病情。

花龍骨 左牡蠣 生熟草 東白芍 桂 枝 淮山藥 山萸肉 茯神苓

湘蓮不去心皮 鷄內金砂仁炒 穀芽檀香屑炒 磁硃丸 車前子 木瓜 姜 棗

姚左脈爲血脈。氣以鼓之。脈細而不耐按。血氣弱也。夫血氣資生於水穀。化生於心脾。心脾不足。斯血氣衰少。而形諸於脈也。志堅道長。以四君建中。綜合成方。頗合內經中焦受氣取汁變血之旨。今即遵其意。投仲景復脈湯。不尤直接痛快乎。質之高明。儻亦以爲然歟。

炙甘草 台人參 陳阿膠 大麥冬 乾地黃 川桂枝 熟棗仁

生 姜 紅 棗 五味子 棉黃芪 粉當歸

某 陽虛則惡寒。陰虛則發熱。熱甚胸煩。寒甚戰慄。溫滋並行。固似良法。不知陰陽之氣。皆出於中。脾胃所主。脾胃和洽。陰陽自調。附桂辛熱。適以傷津。膠地膩濁。適以增滯。今半月內。口乾食退。而寒熱之勢益

劇。不亦宜哉。

台人參

野於朮

白茯苓

東白芍

川桂枝

鼈甲

生熟草

宋半夏

新會皮

粉當歸

生薑

紅棗

生熟穀芽煎湯代水

嚴左肺之與腎。子母相關。腎病必累於肺。肺病必及於腎。理當然也。蓋腎爲水火之府。肺爲嬌藏。最畏火刑。腎水虛則腎火旺。上炎犯肺。肺傷不能生水。火而火益亢。緣是欬嗽氣逆。口渴耳灼。幾無寧時。肺腎交敗矣。夫肺主吐故。腎主納新。吐納失常。即屬損症。勉擬清肺生水。滋腎熄火。培養脾胃。藉以久延。亦無法中之定法也。

西洋參

大麥冬

原生地

生熟草

甘枸杞

甜竹皮

元參心

霍石斛

白扁豆

炒穀芽

吸鐵石

南棗肉

枇杷葉

### 產後肝風肺炎治驗談

沈仰慈

徐砥平博士。余在海門中學時同學也。寓上海威海衛路。其夫人沈女士。於國歷二十年八月七日分娩。十二日午後起病。忽動肝風。十三日。繼增肺炎。病勢益亟。一日間延聘滬上著名西醫至六人。咸謂不治。先是徐君傍晚來余寓。適余出診。不及待。留小簡余棹上。略謂內子分娩後。一切甚佳。今午起忽甚頭疼。狀如抽筋。因而目若失明。視覺模糊。因近日發怒。偶爾哭泣。或有關係。生純屬門外。不勝焦急。云云。簡中語氣。祇求指示安危。未有邀診之意。簡後附註電話號數。並囑余家人待余歸。以電話告之。余因事阻。午

夜始歸。見簡知其病勢非輕。明晨即去電話。而電話不得達。乃作函郵告。是日四時。余出診至霞飛坊沈宅。徐君復來。又不遇。追踵至沈宅見余。發息而言曰。內子殆矣。今日延西醫至六人。或注麻醉針。或注強心針。現謂肺炎甚烈。無可救矣。請先生速臨視之。余曰。產後暴病。其勢固險。然爲時不及兩日。何至竟無救耶。即偕往視。西醫已去。尙留看護在側。病人目瞽口噤。氣息急促。時時起坐。循衣摸床。神情煩躁。手足擾動。似萬分難過形狀。按其脈。浮數無倫。而有力然。揚手擗足。不得久按。舌苔無可驗。而唇色乾紅。鼻息煽動。余曰。此肝風而兼肺熱證也。西醫斷爲肺炎。誠是。認爲產後危證。亦誠是。然未至虛脫。尙可救治。能信服國藥否。斯時其家中人極形惶亂。或飲泣室隅。或忙搖電話。或籌辦衣物。余曰。事急矣。須有一人主張。徐君曰。我可作主。請速處方。余曰。方案病理。不暇詳陳。姑先書藥何如。徐君首肯。乃於養血降瘀。鎮肝熄風劑中。重用生赭石、生石膏。另磨羚羊角尖一錢。當囑一面生火配藥。一面磨羚羊角尖。藥汁煎成。和羚羊汁。啓其齒盡灌之。時已五點鐘矣。約二三時後。當見轉機。余乃復往霞飛坊。晚餐後。有數友正議竹叙。徐君又至曰。似有轉機矣。復偕往。見病者神情稍安。余謂有希望也。將前方加重其葯量。更磨羚羊角尖一錢。時方九點餘鐘。囑在六小時內。分三次灌服。約至天明。當更有起色。明日黎明。徐君以汽車來邀。余不及盥漱。即往診。斯時病人口不噤。鼻不煽。目朗流動。不復躁擾。氣息雖促。而肺部翕張之狀。迫不如前晚之急迫矣。余喜曰。險境已過。當可漸就坦途矣。遂於前方去赭石、羚羊角、減石膏。加滌痰、清心、肅肺、平喘之品。囑上下午三次服完。及旁晚復往診。去石膏。參潛陽化癥法進之。囑夜間三次服完。又翌晨往診。病

人已能安臥。肝風全熄。呼吸舒緩。脈亦轉平。乃去涼劑。專用養血滋肝藥。因惡露未淨。仍以化瘀品佐之。一日夜進藥兩劑。分四次服完。又翌日。目能見。耳能聞。見人微笑。思視其新生兒矣。乃處調養劑以善後。當病勢轉機之日。其親戚某。為西醫六人之一。欲復為注強心針。曰。服中藥。參西法。兼可維持其體力。徐君徵余同意。余曰。此證因產後血虛。又鬱怒傷肝。肝火暴發。火炎風動。氣血隨之上沖。致腦髓神經失其主宰之力。且肝陰銷鑠。筋失涵養。故頭腦劇痛。時欲坐起。目瞽神昏。口噤筋掣。繼則木火刑金。肺津被灼。不克清肅。故更增肺炎。息喘而鼻煽也。注射麻醉劑。以麻醉其神經。不過暫時鎮靜。而脈象有力。心機未弱。又安用強心。國藥中羚羊、赭石、石膏。為清肺鎮肝、清火降逆之良藥。佐以滋養津血之品。是夜十小時間。連進兩大劑。標本兼治。所以得挽救也。今病已轉機。國藥之功效。已顯然昭著。似不必再事打針。倘有差池。誰負其責。余昨有入主出奴之見。並無揚中抑西之意。第此等產後重症。國醫已有方藥可治。西醫所謂對症治療之藥。似吾先哲早有發明耳。徐君婉謝辭之。當時前後各方。因未錄副。惜已散失。後徐君登一鳴謝啟事於上海新申兩報。並錄之。以誌鴻爪。

內人產後七日。忽發肝風。目瞽口噤。不省人事。繼增肺炎。呼吸喘促。臥不安席。病勢險惡。危在旦夕。一日間請西醫數人。均告束手。希望幾絕。急求先生診視。先生毅然負挽救之責。投藥兩劑。即見轉機。復蒙悉心調治。不四日竟告痊愈。治效之神速。出乎意外。於此見先生醫學之精深。而國醫活人之術。固亦有不容湮沒者矣。再造之恩。難以爲報。謹登報端。以揚仁術。(下略)



記胃出血案

陳賓卿

榮河郭林福。年二十四歲。體質素壯。十三歲時。忽患鳩尾骨下胃之中央痛。左旁近脇處有塊。不可揉按。按之跳痛應手。復痛勢漸延及臍部。四週作痛。常於午後發作。夜間間發。遇食硬固生冷等物。尤易發。發則劇痛。繼吐酸水（味極烈。過一二日牙床尚覺餘酸而軟）。色澄清。後吐食物。吐盡痛止。（吐物三分之二為酸水。一為食物。）平時飲食。不講衛生。飢時腹中常覺攪擾不安。時復恣意飽啖。以故多年疾患。有增無減。惟形氣神色。一如往昔。忽於十月二十二日。食羊肉湯麪。晚即大痛。吐酸水。食物中雜黑紫血塊片。遂至與水。格拒不納。

二十四日初診。兩日來。吐血及酸水。神氣餒弱。脈細數。擬利胃降逆。行瘀止吐之劑。

二陳湯加木香 砂仁末 廣藿梗 砂神麩 桃 仁 南紅花 醋川軍水煎空腹服

二十五日二診。嘔吐未止。失血頗多。面唇舌指甲結膜白無血色。量不可動。粥湯不能下咽。痛勢危重。所幸神識尚清。脈浮滑。大數已減。擬下氣逐瘀。止血養血重劑。

原方加黑沉香 焦查肉 焦茜草 焦側柏 焦芥穗 當 歸 酒杭芍 鮮藕節 水煎服

血隨氣行。嘔為氣上衝逆。氣衝逆則嘔不止。嘔不止則血不寧。逆之徵者。降之而已。逆重則非下無以折其上衝之勢。方用醋軍。所以折其衝也。

血管破裂則出血。血中膠質。填補破裂之處。則色紫黑而形成片塊。古稱為瘀。治血證之法。當止血

## 第六十三期 記胃出血案

七八

與行瘀並用。再補養其已出之缺。則逆降、胃和、瘀去、血止、就痊可期。

## 養血法

一精神 以豫後佳良。安慰其心。使勿受驚慌。並戒其除去雜念。遇憂慮心發動時。令侍者為陳生平得意事項轉移之。

二起居 令安臥勿動。房屋要清潔。陽光充足。空氣流通。（但氣道宜曲折。以防賊風侵襲。）室溫衣被。均須寒熱適體。

三飲食 飲可滿口。不許盈杯。食以口計。不可成頓。且須細嚼緩嚥。食品宜大米粥。拌湯麪片麪條（帶湯者煮軟）。饅頭等。忌糖餅、乾蜜、紅薯、蒜枝、蕎麥、豆麪、小米、糖類、酒類、辛辣、生冷、肥膩、及其他助酸難化之物。飲以熱湯為善。

十一月二日三診。前藥一劑。嘔止血停。調養數日。證勢大平。自恃體強。略事動作。飲食失慎。病又大作。食思益減。形氣益衰。惟脈象同前。八十餘至。且無寒熱等候為幸。

前方小其制。加焦生地、代赭石、焦於朮、去沉香、懷牛膝、水二杯。兼取半杯。不拘時。適寒溫。徐徐飲之。另用焦查肉為末。每服二錢。加紅糖一錢。開水沖。隨意飲之。

三日四診。飲食無味。時嘔。但未吐。原方再服一劑。

四日五診。不嘔不吐。又能安食。囑如法調養。與以補中、降逆、消瘀之品。艱於飲湯。可作散服。

潞黨參一兩。朮四錢。焦查肉一兩。代赭石三錢。炒醋川軍一錢。薑半夏三錢。共為細末。分十包。每服一包。黃酒三分。水七分。調下。日三服。

五日六診 脈略弱。舌苔濁而微焦。大便四日不行。虛證所常有。暫置不論。於散藥前方。作丸服。

八日七診 脈虛滑。左尋之有弦象。便仍不行。舌苔如前。昨以飲食微有不宣。病又復發。形氣益敗。自言每作一次。食思不減退。焦思漸多。仍以善言安慰。於補中止血散瘀養血劑中。兼用通利之品。

潞黨參 於朮 血餘炭 棕皮炭 生地 煨龍骨 醋軍 當歸

生杭芍 桃仁泥 南紅花 水煎服。得瀉止後服。不瀉。加元朋粉五分。沖。

九日八診 初服即便結壅兩塊餘滯。血止。嘔不少減。水穀不下。暈不能動。脈較昨微小。据病者述。自血

止後。腹再未痛。消化之難。不在穀而在水。與以大劑香砂六君。加黃芪 肉桂水六杯。泡一小時。

煎取二杯。不拘時。每次服一兩口。嘔止。能進飲食。再議其他。另以焦查肉末三錢。紅糖一錢。淡黃酒調

下。每日一二次。口乾渴時。少少與熱水。再用砂仁 陳皮 草果仁 肉桂 為細末。同鹽椒作

極薄餅乾。飢時少少與食。

十三日九診 再未嘔吐。餓漸進。唇舌等處。微有血色。惟四日未便。小有脹悶。時作乾嘔。用導弓法。原

方內服。

二十一日十診。用導弓法後。每三日便一次。飲食可進半數。頭暈大減。可坐。惟自覺胃中氣冷。原方小

## 第六十三期 流行性時疫治驗案

八〇

其制。加當歸 熟附片 吳茱萸服後頭汗出。去吳萸再服。

二十七日十一診。不思飲水。調養失宜。臍上下又痛。又嘔酸水。原方加乾薑。嘔痛止後。作丸服。

十二月一日十二診。胃中時時覺氣冷不渴。不欲飲。午後吞酸。間吐酸水。胃陽不足。消化不良。用六君

去炙甘草。(嫌其助胃酸) 加乾薑 肉桂 熟附片 砂仁 淡吳萸 蒼朮 水煎溫服。如欲作

丸。任配數劑。爲細末。水泛梧桐子大。每服三錢。食前開水送下。日三服。謹遵前列調養法。飲食部分。尤

須嚴守。期年不發。可免後患。

## 流行性時疫治驗案

江蘇泰縣丁叔廉

(病者) 衛姓子。年九歲。住本邑西鄉。四月六日來診所求治。

(病名) 流行性急性瘧病 (西名腦脊髓膜炎)

(病原) 初春天氣亢旱。寒燥不常。風多雨少。疫氣播傳。外感六淫之氣。內觸厥陰之陽。誘因比鄰發生本

病。被傳染觸動而暴發。

(症狀) 頭劇痛。後項強。身熱微惡寒。不數分鐘。即神煩譏妄。目赤氣喘。昏厥不省人事。手足抽搐。便秘瀉

短。週身紫斑隱隱。險態畢呈。

(診斷) 初六脈洪數搏指。旋反沉細有力。由衛入營之過程也。苔亦先如積粉純白。疫邪瀰漫上焦之象。

續即光赤津竭。熱邪燔灼所致。夫疫癘之氣。傳變極速。其中人也。由口鼻而入心肺。肺爲五臟華蓋。職

司吸養排炭。心為血液循環之總樞。疫乃穢濁不正之氣。而侵心肺重要之經。於是肺不能排炭。以致血液渾濁。故氣粗發斑。散溫機能減退。生溫機能增進。故身有壯熱而無汗。肝為風木之臟。又屬純陽。外風引動內風。風本善行數變。故上冲巔頂。入於腦經。則知覺失。諸官能之作用亦失。故譫語昏厥。肝開竅於目。執邪既冲上部。故目充血而赤。肝主筋。津不養筋。風乃乘之。故抽搐。火腑不通。故渴短。津被火灼。不能濡潤大腸。故便秘。病勢凶惡。危在頃刻。所幸正氣尚足。冀其能敵邪也。

(療法)急以玉樞紫雪二丹。開竅搜邪。用化斑清營加減。犀角清營中之熱。石膏泄氣分之邪。生地、元參、知母、麥冬。增液以養陰。津足汗自出也。銀翹香以散穢。濁去神自清也。黃連解毒而降逆。加羊鈴熄風以平肝。丹參丹皮解血液之毒。再加珍珠母平鎮肝陽。共建偉功。而挽生命。

(處方)烏犀角錢半 羚羊角一錢 生石膏一兩 鮮生地一兩絞汁沖服 潤元參三錢 大麥冬去心四錢 紫丹參

粉丹皮 白知母 銀花 連翹各三錢 生石決明一兩 川雅連八分 竹葉三十片

活水蘆根去節拍兩半 太乙玉樞丹三錢 紫雪丹五分先服 開水調下

(二診)服玉樞紫雪兩丹後。未片刻神識稍清。呼之亦應。頭仰不能轉側。呻吟呼痛。間有譫語。舌赤絳微。有津液。按六脈形仍沉細重。按之亦甚有力。手足不時抽搐。熱邪疫毒。尚在營分。腦部風陽仍旺。不過陰津稍復。隨進湯藥。服後。至午夜身微得汗。煩亦稍安。神識若清若昏。四肢常似蠕動。苔脈與前略同。病勢似有轉機。處方亦照原法增減。惟冀神清風熄。庶可漸入坦途。

續六十五種 流行性腹瀉治驗案

八二

(處方)烏犀角一錢 羊角五分珍珠母一兩川雅連錢一千生地 麥冬各五錢丹皮 銀花

玄參 知貝母 連翹各三錢竹葉二十片

(三診)昨藥服後神識清明風亦漸熄已能言語夜間不時譫妄斑色轉紅呼吸亦調苔則非前之光赤而變焦黃厚膩脈實有力熱邪傳腑疫毒有下行之勢佳象也且腹痛拒按大便五日不行腸胃滿結宜因其勢而導之古人有急下存陰之言爰擬增液承氣加減為治。

(處方)鮮生地<sub>二兩取黑元參</sub> 知貝母 大麥冬 丹皮 銀花 花粉各三錢

川雅連八分 石決明一兩 龍胆草一兩 生錦紋<sub>三錢水泡蘆根一兩去節拍</sub>

<sub>取汁和服</sub>

(效果)藥後更衣二次所下皆粘膩之物腥臭異常中人欲嘔而病者非常舒適項痛已蠲津液滿足神

清風熄諸恙悉除繼繼調理數日所服不過驅餘邪而育真陰肅腸胃以養津液現已安康如故。

(附錄)今春天氣不正做省江北各地盛行此病其現象均如衛姓子蔓延頗廣傳染極速尤以小兒為多緣小兒本純陽之體氣陰薄弱故外邪易侵且皆身現紫斑危險堪虞西醫不知治法徒以注射為能事然皆無效輒認絕症良可哂也考此症治法初時即宜寒涼清邪最忌辛散溫燥不佞診治此症不下數十皆以衛子法治之茲敢錄出以告我同志焉。

胆汁性青尿下消案

陳蓮峰

病者 林慶豐男性年六十一歲南洋僑商 嗜酒多愁

病名 胆汁性青尿下消。

原因 家庭齟齬。藉杯中物以遣愁滌鬱。

症候 頭眩腰痛。臉色焦青。脈弦。尿青。底濁。體微熱。口苦不眠。

診斷 愁人多鬱。藉麪醇以消遣。確係酩酊過甚。脾腎溼熱。已可證明。

療法 瀉肝培土。除溼固腎。擬茵陳溫脾湯法。

處方 茵陳溫脾湯。送服建脾補血丸。

茵陳二錢半 茯苓三錢 陳皮二錢半 柴胡錢半 丹皮一錢半 蒼朮三錢 黃連一錢 甘草三分 清水一盞。煎取

八分。送服建脾補血丸。內有礦物性藥物。硫酸鐵製法另詳。

效果 該病經過兩星期之久。歷醫不效。旋由其盟弟鄭成亨君介紹。來寓就醫。連服本方二劑。尿清無色。囑改服健脾補血丸。十天尿濁全愈。



### 來 件

### 敬告全國中西醫界書

吳廣生

全國中西醫執事尤生道鑒。溯自海禁開後。西學東漸。醫學亦與之俱來。西醫日漸萌芽。中醫益形退化。誠以無論何種學

第六十三期 來 件

八三

術。咸逃不出天擇物競之公例。不盛則衰。不興則亡。其聲衰消長。皆世界潮流迫之使然。誰能獨庇醫學爲例外者哉。愚深愧爲學夫博。爲文不雅。且歸國後。卒卒少閒。故於醫事少所妄談。曩曾於京滬等報論及中醫存廢問題。其所以不苟同於徒恃政治強壓消亡之者。誠恐一時不審舉錯。徒勦失撫。終非得計。非敢自亂聰明以尙古也。竊以爲吾國醫學之盛衰消長。雖云首藉世界潮流之衝盪。次賴當局決心之興革。要必權衡國情民智之特殊。斟酌興革步驟之緩急。從近以遠。由低而升高。措之以漸。持之以恒。興之革之。勦之撫之。則何弊不除。何功不克。否則舉措失當。徒滋一敗。得少失大。功不補過耳。——回顧吾國兩半來。醫事實際言之。然後知愚者千慮。容有一得也。——吾人昔所嚮香預祝之衛生部者。不特於衛生事業。毫無建树。且對西醫未能普及新醫教育。以養新醫人材。遽行過當登記。以阻新醫前途。措理無方。怨聲載道。而對中醫則不能實施特殊教育。以謀中醫興革。及專禁錮中醫發展。而貽人事糾紛。徒使恣行。安得善終。卒至負國負民。虛糜公帑。蒙閱曹之譎而後併。不獲中西醫同情之擁護。雖謂衛生初關維艱。亦由不願實際不審舉措之失也。——至於中央衛生委員會成立之時。趾高揚。幾有一革而衛生障礙掃盡。一言而醫事興革畢施之概。不期先後會議兩次。通過重要議案頗多。僅因提議廢止中醫原則案。不達目的而反得乖效。加以衛生部裁併。國醫館設立等。遂各灰心失望。以致議而不行。貽笑中外。亦所不願。雖責於人事不我許。良亦於高務遠。不善考慮之過也。——他若籌設國醫館之請求。首由全國中醫藥聯合會呈援國術館前例。嗣因衛生部阻擱。終蒙譚委員等提議通過。於是中醫之運命。得有轉機。當四中會議之前。民間倡設國醫館及應衛生部之謠言遽起。有識者知不成事實。視爲囁語。而夢夢者隨聲附和。謠言益真。庸詎知中國事。誠有不可以定規之理想與事實一致論之者。昔之備受衛生部壓迫之中醫界。一躍而蒙設館頌護。今之操縱醫政權威之衛生部。一旦而被譏議裁併。亦云奇矣。因之衆議紛紜。莫衷一是。黨同伐異。再接再厲。又復筆墨登場。鑼鼓喧天。咄咄怪事。略舉助興。關於衛生部裁併所得談聞。則有謂當局因人設



事。有謂因不力而蒙開會之譴者。有疑不得民心逆民意者。有乘機攻擊推理中醫失當者。有謂其乞助聯盟徒徇外人政。忘國內責任者。種種實情。各有所偏。關於籌設中央國醫館所得談聞。則西醫方面。得說而為心灰者。有怨政府不速導中醫誤人之禍。而反籌設國醫館為虎作倀者。有疑中央國醫館與衛生機關分道揚鑣者。有因是而失望中國醫事前途者。但中醫方面。聞之而舞蹈歡騰。有明達通曉。以為國醫館。係改良國醫之學術。提倡國醫之地位者。有一知半解。以國醫館為中醫護符。而永免淘汰者。有大放厥詞。妄談國醫館。接替衛生部。行使職權。或反將而議廢西醫者。而一般旁論者。更泊於同異好惡之私。故其立論。皆有所蔽。似此擾擾。甯非當局不善審始慎終之咎歟。吁。偶因不審舉措。終使兩欲醫道之明日而反日晦。豈不痛哉。——噫。——不幸愚曩所預言。而果徵中。誠可哀也。——雖然。往者已矣。來者未為不可追。是故愚又不能自已於言者也。——原夫愚所崇西醫也。崇新西醫而顯言中醫者。得不以為怪乎。是則猶有說焉。愚之為學。喜新而好舊。不惟醫學如是。文藝亦如是。吾行吾素。見智見仁則由人也。愚曾探究中藥方劑。良效殊多。祇因玄言所談。泥古所蔽。遂使良好中藥。日益湮沒。深惋惜之。——乃弊憤博徵古今特效方劑。爰作有系統之科學研究。甚至民間流行有效之單方生藥等。莫不搜羅彙集。歸之以科學。徵之以臨床。慘淡經營。志良苦矣。——例如痔核痔瘻。為常見之外科疾患。歷來東西外科專家。均主張割治手術。蓋非割治。不能根治。惟有姑息療法以敷衍之。近有研究痔核注射療法者。大抵以哥拉劑。石炭酸劑。鎂劑等藥製成。然哥拉劑石炭酸劑等。注射時有劇痛。且易腐蝕健康組織。致成膿瘍痔瘻。其功不償其罪也。——而鎂劑雖無腐蝕性。不易中毒。但注射時。結紮針射之痛。則難免焉。日本新藥株式會社。以鎂劑製出。マグネシウム。(馬格內辛)近益改良。較勝他廠出品。頗為治痔者實用。仍惜該劑。未能免去劇痛之苦。有時常感效果不確實之憾。且上述諸注射劑。僅能治痔核。不能治痔瘻。則非用痔瘻鐮刀。無辦法也。——愚對於內外痔及痔瘻。最實用中藥之磁劑雜散混製抹膏。點抹患部。使自枯脫。然後用收劍劑收功。治

愈期甚短。不過一週二週。既無中毒。腐蝕之變。又免結紮針時之苦。法簡而兩便。費省而功偉。以視諸注射療法實勝一籌。又如淋巴線結核。(瘰癧)及其他結核症。近世新醫。以症偏於局部者。多主早施開刀。剔出結核病竈之手術。但預後尚多不良。即能及早剔除病竈。亦難期永久之治愈。愚引為憾。——遍訪於中醫。藥。但多言過其實。苦難適從。——近得李君抄送其祖傳根治瘰癧丸方。并授愚用艾炙穴背。以引除結核菌之法。愚猶疑信參半。未敢輕試。嗣隨彼汗癩各病家。細心體會。然後知是丸能使結核病竈周圍新生結締組織。以排斥壞組織而化愈之。或使結核病竈內層之結締組織。新生增殖。而恢復之。據臨床實驗。復足證明是丸。不特治頸淋巴結核。(瘰癧)尚可兼治其他結核症。乃益精致該丸劑之製法。及其艾灸之手術。佈深符乎科學。始敢放心試用。大抵症輕者服丸可望治愈。症重或化濃者。兼用艾灸療法。或助以紫外線電療法。以促早愈。愈後病竈亦不復發。效殊美滿。較之西醫主剔出結核病竈者。可說上下床之驗矣。他如瘰癧。丹毒。喉喉等外科。與夫惡性瘡癩。偏枯。癲狂。等內科。愚先後研究有可靠之特效劑。臨床實驗。亦皆有意想不到之効力。茲限紙幅。另詳拙著醫案。蓋能細心徵考中藥特效方劑。以科學方法。研究改良。進而行實驗工夫。以闡明其作用之效能。自無不實於事理。是以往往效如桴鼓。良非偶然。豈得謂愚走方行醫。貪天之功。以爲己者哉。由是觀之。中藥方劑。其間確有偉大效能。其所以湮沒不顯者。甯非後學不善研究改良。以彰彰之過歟。——中藥之加惠西醫。功績如斯。西醫之對中藥。獨忍忘情。棄若敝屣者乎。愚不自量。奢望能於最短期間。以科學實驗整理管見所及之有特效方劑。聊爲中藥革命者扶輪推殼。則是素志也。至論愚對古醫學理之態度。果何如乎。此題實大。非片紙所能畢其辭。姑略述之。曾讀古醫以經脈運氣。河圖洛書。五行生尅。陰陽偏勝。推論生理。解剖。病理。藥理。診斷之說。以致對生理上有官能作用之論造。氣化生尅之支離。對解剖上有肝肺脾之不明。臟器經脈之穿鑿。對藥理病理診斷上。則有哲理空想之謬妄。三部九候之詭異。凡此種種。陳腐不堪。聚訟千載。遺禍萬世。無可掩諱。心乎

愛之。而真能助也已。——惟其言脈與氣化。頗饒研究興趣。吾國中醫之講脈。由來古矣。其間極可寶貴者固多。而不符事理者亦復不少。如論失血之脈宜沉細。其浮大者難治。熱病之脈宜洪數。其細弱者不良。以此決人預後之良否。固非過言。如察浮沉遲數之脈。以觀其病變之進行。以參合色脈之順逆。皆可為法。惜古代科學未備。故僅以寸口論脈。且其論脈。概以今日血脈及脈搏弁論。不能分判病理與生理之變遷。遽以此而決之為病變者。貽誤後學非淺。是不可不審也。至若以寸口分部候臟。尤不可訓。今醫不能正古醫之非。僅誦脈訣。以自蔽其新知。專持寸口。以為分部候臟。高談玄言。以欺愚夫愚婦。為害之烈。可勝言哉。——中醫之能愈人疾病者。大都賴太古傳下之原始治療法。其善能治時感者。因其能通達時令氣化作用。與臨床經驗也。試思夏秋多消化器病。（暑濕）瘧痢噁霍諸病。春冬多呼吸器病。（風濕傷寒）及各內出血疾患。若謂氣候不足以致病。何以年年週而復始。仰觀宇宙萬物。皆逃不出自然界之所支配。雖至微之有生成無生等物。猶須同遭氣候風化分解。何況現代抵抗力薄弱之人類乎。故愚認中醫之言氣化。於醫學上頗有研究之價值焉。茲舉其關於氣候致病一部分申論之。大抵夏秋季候溫熱高騰。濕度亦增。空間佈滿溫熱濕氣。一切微生物。容易生長。日用飲食諸品。尤易腐敗。輒惹胃腹疾患。加以蚊蠅傳播病毒。或受熱氣直犯體功。故夏秋多消化器病及瘧痢噁霍諸病。此為夏秋致病之原因也。春冬季候多風寒。風寒能侵犯人體健康。故感冒風寒者。其皮膚氣管神經受風寒所刺激。血氣亦受影響而變調。體功抵抗隨以減弱。所以感冒寒熱咳逆等呼吸器病。春冬為多。且冬季氣冷。人體外表血管受冷而收縮。血壓增高。當此時令。若有胃腸肺腦等宿疾。如痔瘻。胃潰瘍。肺癆。腦血管硬化等。其早日受傷之局部血管。已預伏着易惹破裂之禍根。故病體本未根而。遇冷氣之刺激。而易出血。所以此類症狀。在冬季加劇。或出血者為多。凡此皆春冬季候致病之原因也。於是古醫知氣候與人體病變有關。以藥石有愈四季病變之功。遂藉氣化以推論病理藥理。以故失之偏執。然古醫限於文化初開時代。固無足怪。乃後世之人。誤以古方能愈人病。氣

化驗遺傳病變。導引爲天人學經。不效悖論。且從而穿鑿之。附會之。舉凡一切生理藥理病理等。莫不敷衍以風寒暑濕燥火之六氣模糊影響空想玄言之風尚。而氣化之真面目遂愈晦矣。——噫。——古醫於氣化發覺其然。已屬可貴。雖不能進而知其所以然。亦難厚非。但後世之人。既不能正古人之非。以闢來世種種模糊影響以欺世盜名。負人自己負古負今。何其昧學不仁。一至於斯耶。——不觀夫吾國前古之醫。世界同然。今其所以有進化與落後者。惟在取舍過決不決耳。嘗二千餘年前。希臘醫聖希波克拉太氏。創論赤白黃黑四液之說。謂以四液相互混合而生四氣。若混合量之或不及。則發諸種疾患。是時人皆宗之。尊爲醫聖。降及十九世紀以來。生理。組織。解剖。病理。先後發明。遠目希氏之四液說爲過去時代之空想。是故不泥古論而崇真理。方能日新月異。泰西其謂例也。日本醫藥。向宗吾國仲聖。故有皇漢之稱。近世科學輸進。乃由一般先覺醫界之努力。而目爲之一煥。今且凌駕英美而上之矣。——泰西導吾以先路。日本賜吾以規模。何吾人泥之又復泥耶。且夫醫之爲道。在乎濟世利民。一視同仁。不宜有中西國別出入主奴也明矣。故醫但有新舊之分。而無中西之脈。邇來吾國中西醫界。多舍學理而爭口舌。廢中排西之說。不絕於耳。若水炭之不相容。若父仇之不並戴。殊途異議。真理乃晦。彼此仇讐傾軋且不懈。又遑論及醫道之能明者乎。——既無利益於中西醫之勳述。復有貽害於半開化之民智。苟長此取鬧。醫道何堪設想。——蓋反思之。學豈考應取之態度者乎。嘗不思醫爲實用之科學。隨時代文明而俱進。斯時之所謂新醫者。他年安得不退爲舊醫。蓋不有乎舊。安求乎新。不求乎新。焉有乎舊。是則舊而新。新而舊。舊而復新。新而復舊。如此推舊致新。週而復始。循環之理也。愚之所以樂取中藥方劑之有效而去其不效。樂研古醫療法之可通而去其不可通者。蓋欲推舊致新。以謀發揮而光大之。吾中西醫界不乏好學深思之士。誠能與愚同好而共謀之。吾知西醫能謀得之。可助科學之不逮。而增研究發明之興趣。所謂博舊而知新也。中醫能謀得之。可早離黑暗之聖獄。而同登科學之道域。所謂尊古而不泥古也。庶幾從此握手言歡。相輔前行。發揮而光大之。

誌

雜

學

醫

誌

亦得與國際爭衡而無愧矣。若夫一般自命新醫之不講學理。僅恃西藥處方外科總論以臨床。於外科則尙切瘡排膿。痲瘋水一盞。石炭酸一抹。於內科則頭痛用阿斯四林。便秘給菰藤子油。遂以爲外內科之能事畢矣。道在是矣。不復求焉。一教自稱良醫之冥頑不靈。徒誦湯頭歌訣外科正宗以問世。於內科則虛癆服六八味丸。產後則擬加減生化湯。於外科則主神術破血。拔毒散一包。生肌膏一敷。遂以爲內外科之能事畢矣。國手得矣。毋復加焉。如此者卑迂不層論矣。——嗟乎。——吾國今日醫道過渡之畸形。洵具五光十色之怪形。——政令不統一。民智半開化。上下交征利。新舊醫對壘。而醫界有新新。舊醫有舊舊。且新新似有新新。舊舊復有舊舊。人人好漢。隻隻國手。個個高徒。茫茫道岸。——辭夜與思。易勝悲憤。——困於時勢之下。亦未有如之何耳。——然而言之。方今國醫館雖似有相愛中醫之舉。惟該館誠能徹底努力。促中醫科學化。亦正所以加惠新醫之前途也。然於事體大。必有賴於中醫界之自動崛起。與夫西醫界之平心扶翼。始能希望前途不生障礙。然後徐圖興革之理想實現。猶未爲晚。久而久之。新再人材先後輩出。醫道。就昌明。而中醫雖迂。勢不得不努力漸趨進化。既可共謀醫道之前進。而免人事之糾紛。復可推廣國產藥材。以維社會之經濟。則新醫不期進而自進。舊醫不期廢而自廢。漏卮不期塞而自塞。國粹不期保而自保。似此福利萬全。甯非意外快事。奚必彼此區區爭一日之短長哉。若夫西醫傲焉而不兼顧。不爲中醫謀開其自新之路。即所以自障其新醫之前途者也。中醫傲焉而不虚心。始終仇視西醫學而迂舊是謀。即所以自絕其國醫精神也。如此者愚欲無言也已。——伏念爲道爲國。吾人務須開誠佈公。原古人直聞之義。更不宜有所徇隱。狂言干冒。幸宥正之。若猶背背愚舍學理原則而觀談人事。折中論調之過者。是始終不諒解愚不得已之苦衷焉。夫愚固知醫道之爭。非如兵戰。無可調停。無從妥協。且生爲今世科學昌明之人。亟應決然毅然以道自任。烏可獨唱折中滑稽調以貽笑柄哉。無如處於大中華民國畸形社會之下。不得不復如是云爾。——全國中西醫界明達諸君子。其亦肯肯盡言者乎。愿與努力共勉之。——

第六十三期 致中央國醫館籌備委員會提議改善組織法案

九〇

### 致中央國醫館籌備委員會提議改善組織法案

吳廣生

為提議事。查醫藥關係國計民生。至重且大。國際醫藥趨勢之競進。一日千里。回顧吾國業西醫藥者。祇恃西醫藥之長。不取中醫藥之長。舍己芸人。坐令漏卮外溢。業中醫藥者。徒詆西醫藥之短。不知中醫藥之短。墨守繩法。實屬絕無新知。夫醫無分於新舊。有效則勝。藥無別於中西。顯驗則靈。相輔改良。研究日精。經驗科學。互參發明。乃不此之務。徒傾軋犧牲。淆亂社會觀聽。胡亂繩之等。嗚呼。生有慨乎此。嘗於日本東京。致書衛生部薛部長。條陳整理計劃。旋因薛部長離職。該件隨之西流。兩載以來。衛生部對於醫政。殊少建設。對於中西醫藥之整理。尤覺茫然。而國醫藥界。為業務上利害關係計。先後組織團體抗爭。惜其組織不能一致。難圖前途發展。茲幸國民政府。撥國帑提倡。公等努力籌備。又能虛懷自仰。辱徵鄙野之人。下風歛聽。欽感良深。廣生雖不敏。敢不竭駑效勞。用獻一得之愚。以備核奪。嘗考任何國政黨及學術團體之組織。首重規定基本組織之條例大綱。基本組織之條例大綱既舉。則組織始臻完善。組織完善。則領導容易。領導容易。則力量集中。力量集中。則實施無碍。實施無碍。則大功垂成。此古今中外不易之理也。際茲國醫館籌設之始。尤貴先從下層前員做起。確定基本組織條例大綱。則事半功倍。苟仍依冀上級館長。視基本組織。為無足重輕。誠恐事倍而功不得半耳。曩曾晤譚委員討論提倡國醫館問題。一時未能詳及組織法意見。茲恨不得其遺稿為憾。近查蔣文芳氏。等發表官民合作之組織法。微嫌未臻完善。間有主張依照中央國醫館組織法組織之。尤為絕對不敢苟同。蓋從實際上觀之。所謂中央國醫館之成績者。直接上僅能供給前員。公餘鍛煉身體之機會。及便於一小部份前員。實武者以活動而已。間接上未參如何積極努力。以導種族。揚國光。而今日中央國醫館之使命。直接上既負有福利醫藥事業。以重民命。而杜漏卮。間接上復能積極求國醫藥科學化。以保國脈。而爭國際醫藥之地位。彼此使命之廣狹。實夫豈同日而語也。且夫國醫館報員。殊少賴武術謀生。因對該館。多未具深刻之認識。故各級之組織。難

期普及。而領導方針。每苦棘手。加以採用館長董事制度。是因入設館。因館設畫非館員組館。組織既亂。如何希望發展。此國館組織之錯誤。足資今日國醫館之借鑑者也。中央國術館。成立於茲三載。除有少數省或特別市分館組織。徵求隊。及教練場以撐門面外。他無所建設。雖云國人不重視武術。館員不切實負責。良由國術館諸執事不努力。有以致之。此國術館不努力之錯誤。足資今日國醫館之借鑑者。邇來蘇、鄂、贛、粵、等省。先後通電成立省醫館籌備處。究竟係何實情。均未據報告。若曾依照國術館組織之前例。則國醫藥之革新希望。豈不殆哉。心所謂危。難安緘默。爲此冒昧提議。并草擬國醫館組織條例。及中央國醫館委員會組織大綱兩件。是否有當。敬候公決。謹上中央醫館籌備委員會

提議人吳廣生



### 星期徵稿選刊

中國古醫謂熱病皆傷寒之類西醫謂傷寒爲小腸壞熱症東醫謂傷寒爲陽室扶斯試攷證命名之義及發病症狀中有無訛誤分別述其原委

張文元

按傷寒一症。顧名思義。原係感受寒冷空氣之刺戟而病之謂。其症狀。即傷寒論所謂。「太陽病。或已發熱。或未發熱。必惡寒。體痛嘔逆。脈陰陽俱緊。」等象。即此便是傷寒病之定義與症狀。奈何後人不察。以爲內經載熱病皆傷寒之類。難經載傷寒有五之說。於是引經據典。分傷寒爲廣義的及狹義的二種。廣義的。云者。舉凡熱性疾患。皆統屬之。例如傷寒、中風、溼溫、熱病、溫病等。固不包括在內。易言之。即一切外

98

感病之總稱。狹義的傷寒。即胃寒成病之一種。此種定義未嘗全無理由。然以愚推測古人命名之定義。却不如是。蓋吾人凡感外症。初起皆有如傷寒病之惡寒感覺。此內經所謂熱病皆傷寒之類之真諦。並非謂一切熱病。皆是傷寒。如果謂熱病是傷寒。則熱病之名。不將蛇足。審是。則此廣狹定義之謬妄。不攻自破。至於西醫所謂之小腸壞熱症。原文爲 *Typhus abdominalis* 意譯即腸部發炎劇烈之義。東人日本音譯爲腸窒扶斯。名雖不同。其實皆一。據其發病症狀。與吾國之溼溫伏暑。頗相類似。若與傷寒。則迥不相同。自不能相提並論。混淆聽聞。乃吾國之業西醫者。對於祖國醫學。根本全不明瞭。祇以道聽之言。僭作經典之調。竟大荒其唐。將與吾國溼溫伏暑相類之西國小腸壞熱症。公然譯爲傷寒病。是真所謂張冠李戴。無知妄作者。或曰。譯本之傷寒。雖非真正之傷寒。要亦熱性之疾患。律以內經熱病皆傷寒之類之定義。若合符節。胡乃謂妄作而闢之耶。即如子言。謂譯本之傷寒。實係吾國之溼溫伏暑云云。則溼溫乃五種傷寒之一。以此名之曰傷寒。亦覺可通。何子獨不然。曰此種論調。予前已斥其謬妄。今子復問。爰不避重疊。再申如次。夫熱病皆傷寒之類。及傷寒有五之說。內難經雖有明文。然其別有真義。非皮相者可解。前文已詳言之。茲不復贅。今謂小腸壞熱症。屬諸熱性。可以傷寒名之。準此則麻疹、猩紅熱、白喉等。非熱症乎。何不亦以傷寒名之耶。此其不可通也明矣。若以溼溫爲五種傷寒之一。即可以傷寒名之。則溼溫之名。直可取銷。何必另起爐灶。多此一舉。此其不可通也審矣。總之吾人診病命名之義。原欲劃清界限。分門別類。以求診斷治療之易於分辨。若夫淆亂黑白。含混立言。明眼人不爲此也。今吾國之

醫 學 雜 誌



業西醫者。自命爲科學的醫士。自以爲受過科學之訓練。何反出模糊影響之談。籠統含混之詞。科學教人。有如此哉。且此種籠統含混之命名。在不知科學之舊醫。早經絕口不談。斥爲謬妄。不圖於廿世紀中之科學的醫學家。反樂道之。自欺欺人。亦云陋矣。雖然。若輩以鮮艷燦爛之頭腦。豈甘爲此哉。誠以蔑視古書。不學無術。固陋寡聞。以故語多牴牾耳。

中國藥物學說有入肺者有入肝者有入氣分有入血分有補腎補脾之別。試以科學方法說明其原委並糾正其差誤

張文元

客有問於余曰。中國之醫學。侈談玄理。不合科學。荒謬已極。此蓋緣昧於解剖生理之所致。姑不具論。若夫藥學一科。則不知物理化學之原則。徒以陰陽浮沉寒熱溫涼五行生尅之理。以爲研究斯道之方法。其結果。遂演出色白入肺。味辛入肺。色青入肝。味酸入肝。以及入氣入血。補腎補脾等。憑空幻想。悠謬不經之談。試問藥物入胃。有色化爲無色。有味化爲無味。豈有因色味不同。分入臟腑之理。且藥物之消化也。由胃至腸。與諸種消化液混合之後。經腸淋巴管之吸收。達於血行。運行週身。如所服之藥。果爲有益。則全身組織。皆受其益。庸詎有分入臟腑。單補脾腎之特殊作用耶。豈以藥物爲有意識之靈物。而有是等鑑別乎。何吾子之不察。冒昧從事。尙復孜孜汲汲。日夜鑽研。得非爲迷惑盲從之舉。自取淘汰漸滅乎。應之曰。否。中國醫學歷史最長。治療經驗。異常豐富。其所述藥物之效能。雖無理化學之證明。而皆從實驗中來。祇緣古昔之社會簡陋。科學幼稚。且後世陰陽五行之說。盛極一時。一般學術。皆受影響。醫學

處此。能無變化。此所以有色味支配之說也。故我人研究古說。當以學者態度。體察當時之學潮。努力探討。以求真理之發見。切勿醉心歐化。以爲歐人所未發明者。我雖固有。亦棄置不用。且從而摧殘之。破壞之。斥爲謬妄。畏若蛇蝎。此種行止。直可視爲推銷舶品之走狗。雅非識者之所取也。故欲盡研究之道。首宜打破門戶界限。取銷主奴成見。以客觀立場。取研究態度。而以科學方法。說明其原委。糾正其差誤。庶中國之藥物學。或可大放光明於世界。豈非人類之幸事乎。今請申而言之。考中醫所述之肝脾肺腎等臟器。皆以功用爲標識。並非實指其物質。此近今有識者之通論也。故欲明入肺。入肝。入氣。入血。以及補脾補腎等學說之是否差謬。有無真理。必先明瞭其肺肝氣血脾腎等。究屬何指。果是何物。既得是義。然後進求其所述藥物之效能。畢竟與此等事項。發生何等關係。再副以事實之證明。而以科學方式。詳細解釋之。則諸種問題。自不難迎刃而解矣。按中醫之所謂肺。謂肺臟排炭吸養之功用。非謂肺之實質也。凡助斯等功用之藥物。皆曰入肺。大腦及運動神經之作用。中醫誤以爲肝臟之作用。故謂治腦及運動神經之藥物。曰入肝。是其根本大不相同也。氣分云者。並非呼吸之瓦斯。乃植物性神經。及各器官各組織之機能之混稱也。凡治此種機能之疾患之藥物。即曰入氣分。血分者。即近今所謂循環系統也。凡奏效於循環系統之藥物。即曰入血分。腎者。各種內分泌之代稱也。凡腎臟之變化。即內分泌之變化。故治腎之藥。正所以治內分泌之藥耳。脾者非脾。謂小腸之吸收作用。及一切組織之吸收能力也。凡直接間接裨益於此種作用之藥物。皆曰補脾。明乎此。然後知古人所謂入肺。入肝。入氣。入血。以及補腎補脾等

說之真義果何所指矣。主所述藥物之效能純從實驗而來。前已言之。乃先有事實。而後有理論者。若謂藥物入胃。變形化質。斷無因色味不同。分入臟腑之理。又謂藥物之作用。為週身的。斷無獨益一處之特殊作用云云。此言固也。然祇為粗淺之理想。於事實殊不爾爾。請引證於下。勢力不滅之原則曰。凡存在於宇宙間各種勢力之總量。始終恒為一定。即雖寸毫之勢力。不能創生。亦不能消滅。只不過一種之勢力。變為他種之勢力耳。東醫和田啓十郎云。凡物莫不向其所有之特性。而進行不已也。二說雖異。其義則同。先哲徐氏靈胎曰。凡物生於天地間。氣性何如。則入於人身。其奏效亦如之。綜觀三說。可知動植礦物之勢力。永久存在於天地間也。古人宿明此旨。即利用動植礦物之勢力。以為治病之作用。所謂同類相感。同氣相求者此也。所謂入肺。入肝。入氣。入血。補脾。補腎者。亦此義也。若不此之察。徒以嘵嘵之口。錄銳之筆。一味吹毛索癢。責備古人為能事。所謂不學無術之徒。入主出奴之見耳。非真正研究學術。改造醫學者之所為也。語已。問者恍然而悟。赧然而退。遂筆記如此。

注意  
**丸散真方彙錄**  
出版

張相臣新著洋裝二厚冊連郵費貳圓貳角正  
總發行所天津法租界廣德新里張氏施診所

繼續醫學  
報而奮鬪的

——南中國唯一富有革命性的評論刊物

醫林一謬月報

▲把中國醫藥來做時代化  
▲發揚中國醫藥的真理  
▲持公允的態度來評論一切  
▲介紹新近名醫的著述

主編者：順德李仲守 南海陳亦毅  
試閱辦法：請惠郵票六分但以一期為限

價目：零售每冊大洋一角 預定全年壹元  
地：中國廣州市大德路 行街八十四號內

第六十二期 星期徵稿刊

九五

# 中國藥學會為

● 本草綱目指南 延期出版 緊要 價目特價一元郵費在內(千部為限)  
● 通告 定書處中國江蘇蘇州司前街

● 全國醫藥學家久坐不得之參考書——綱目指南——由本會季愛人主編丁綠溪主校委托文新公司印刷時已近載蒙海內同志紛紛預購不勝榮幸第以刻字太多排印艱難兼之事關醫藥進化校閱尤須詳細是以不克準期出版殊覺抱歉現已加工排印添請校對約一月中定可出版恐未週知特此通告

## 少年中醫社研究股章程

- 一 宗旨 以最經濟之光陰和極少數之金錢灌輸中醫基礎學識於有志中醫而為環境所限未能如願者造就專門人才普及各地作中醫之改進學術之研究大則利人小則利己為目的
  - 二 資格 凡具中醫之興趣者不限年齡性別皆可入學
  - 三 年限 一載畢業
  - 四 學科 中醫基礎學 中醫生理學 中醫病理學 中醫診斷學 中醫治療學 中醫內科學 藥物 中國藥物研究法 中國實用藥物
  - 五 辦法 每月分發講義二次對於各種疑問和討論可以隨時通函研究不拘次數
  - 六 繳費 學費每月一元講義費每月半元 資每月半元凡一次繳足者祇收洋二十元(另專修外科針灸推拿等科不在此限)
  - 七 手續 有志來學者祇須具函詳述年齡性別籍貫通訊處並繳納各費
- 八地址 滬杭路線楓涇蘇境葉勁秋醫室

# 本會出版及代售醫書

書名 著作者 實價

靈素生理新論	楊如侯	三元二角
靈素氣化新論	楊如侯	一元六角
醫學新論	楊如侯	二元
五色診鈞玄	楊如侯	八角
溫病講義	楊如侯	一元六角
醫學達變內外篇	張生甫	八角
如皋醫報五週彙選	陳愛棠	一元四角
中國時令病學	時逸人	三角
藥物學	時逸人	一角
中醫建設問題	時逸人	一角五分
肺病論	葛廉夫	一元六角
溫熱病問答	趙植梅	二角
黨參新研究	趙子忠	五角
衷中參西錄三期本	張錫純	二元

以上各書。均皆齊全。如荷函購。原班  
回。件並須外加回件郵力一成。未曾列入  
之書目。均已售完。請勿訂購。此啟。

信 實

進 取

愛 羣

中華民國二十一年二月十日出版

醫學雜誌

第六十三期

編輯者 中醫改進研究會編輯股  
 發行者 中醫改進研究會發行股  
 會 址 山西太原市精營東二道街北首

目 價 告 廣	目 價 誌 雜
地 位 一 頁 八元	時 期 冊 數 實 價 郵 費
一 期 二 元	兩 月 一 冊 二 角 半 二 分 半
半 頁 四 元	半 年 三 冊 七 角 半 七 分 半
四 分 之 一 二 元	全 年 六 冊 一 元 五 角 一 角 五 分
折 折 折 折 折	費 須 先 惠 郵 票 九 五 以 半 分 至 四 分 者 為 限
本 誌 為 提 醫 學 心 凡 有 著 名 醫 家 及 經 驗 良 好 藥 品 願 登 廣 告 者 列 表 如 右	

整個經驗學派——中醫學說應現代革命化科學化之巨著

## ▲▲中國時令病學▼▼

出版廣告

中醫以經驗為特長。誰也不能否認。四季中。以時令病證。應時代產生。古疾病之品多數。中醫治時令病證。尤有特長之經驗。一方面固由歷史久遠。天產特效。一方面清代醫家發明之功。實不可沒。

前代醫家說。「熱病皆傷寒之類」。又說。「傷寒有五」。後世醫家說。「傷寒有廣義狹義之分」。又說。「溫病多。傷寒少」。究竟傷寒為何種疾病。溫病為何種疾病。各一說。真真「聚訟紛紛」。令人莫衷其妙。

有一種見淺的人。以為古今醫學不同。疾病也大小相同。古本醫書。大可束之高閣。不必研究。另有一種自以為是的人。以為古時醫書。係聖人之手澤。有無窮奧義。非要詳細研究。可。大有其他醫書。自為「自檢以下」的氣概。於是新舊一派之衝突。鬧到不得開交。真所謂門戶之見。至死不變。

現在社會所流傳之醫學。「專治溫熱病證」。自謂時髦。力求通俗。但他們所崇拜的學說。所引用的方法。所選列的藥品。可以說完全在「葉派」旗幟下捉迷藏。聽憑顧文華袖雲一班人播弄哩。「石斛麥冬之不已。牛黃至寶繼之」。以為如是辦法。便葉派薪傳。無怪陸九芝氏極力反對。說是名符其實的成立了「葉學誤人」。所以看過世補齋的人。對於當世溫熱名家無不罵個痛快。

不過話又說回來了。閱者諸君。平素對於中國醫學有誠篤的信仰。有極深的研究。對於上列幾個問題。有徹底解決的辦法麼。現代江左些逸人先生。編訂了「中國時令病學」。將四時病證分別得清清楚楚。傷寒，溫病，暑病，新感病，伏邪病，等名義。均有詳細的說明。正確的界限。搜集了數十家的學說。一一編訂。着實在醫學上解決了困難的問題不少。又各病時候治療處方。都是中國醫學上道地的經驗。總共說一句。可以「實地試用。明確無訛」。

要表演中醫經驗的。要分晰傷寒溫病新感伏邪判別的。要調和古今學派爭執的。要糾正葉派錯誤的。要明瞭葉派及葉派究竟的。請看一看。「中國時令病學吧」。

全書一巨冊。定價大洋五角。特價八折。實售三角。郵票通用。郵力外加。

總經售處

山西太原市精營東二道街北首  
中醫改進研究會發行

分代售處

省市中醫各團體